

戊戌六君子遺集

一

蘇子學

PDG

商 務 印 書 館
用 活 字 版 印

丙辰余將謀輯戊戌六君子遺集先後從歸安朱古微祖謀中江王病
山乃徵山陰王書衡式通閩縣李拔可宣龔南海何澄意天柱得譚復
生林暎谷楊叔僑劉培村四參政楊漪村侍御遺著獨康幼博茂才詩
若文未之或見僅獲其題潘蘭史獨立圖絕句一首屢求之長素謂家
稿散漫且無暇最錄以從闕爲言然培村之文經病山馳書其弟索久
不獲漪村之詩則止於壬午以前書衡求後集於其嗣子亦不可得也
戊戌距今才二十年政變至烈六君子之遇害至慘且酷其震駭宇宙
動盪幽憤遏抑以萬變忽忽蹈坎穽移陵堙谷以禍今日匪直前代之
鈞黨粹累邪正消長以構一姓之覆亡已也故輓近國政轉變運會傾
圮六君子者實世之先覺而其成仁就義又天下後世所深哀者獨其
文章若存若亡悠悠者散佚於天壤閒抑不得盡此區區後死者之責

循斯以往將溷於叢殘舊文益不可輯可勝慨哉默念當日余追隨數子輦下几席談論旨歸一揆其起而惴惴謀國蓋恫於中外古今之故有不計一己之利害者而不測之禍果發於旋踵余幸不死放逐江海又二十年始爲諸君子求遺稿而刊之生死離合雖復剝肝瀝紙感喟有不能喻者矣復生遺箸尙有仁學一卷石菊隱廬筆識二卷茲編所錄止於詩文丁巳初夏海鹽張元濟謹識

戊戌六君子遺集總目

寥天一閣文

瀏陽 譚嗣同復生

莽蒼蒼齋詩

同前

遠遺堂集外文

同前

晚翠軒集

侯官 林 旭 噉谷

說經堂詩草

綿竹 楊 銳 叔嶠

介白堂詩集

富順 劉光第 裴村

雪虛聲堂詩鈔

聞喜 楊深秀 漪春

樛漪春侍御奏稿

同前

康幼博茂才遺稿

南海 康廣仁 幼博

寥天一閣文目錄

卷第一凡十有二篇

報貝元徵書

與沈小沂書一

與沈小沂書二

報劉淞芙書一

報劉淞芙書二

上歐陽瓣蘊師書

史例自敘

仲叔四書義自敘

記洪山形勢

劉雲田傳

代大人譔贈奉政大夫任君墓志銘并敘

城南思舊銘并敘

卷第二凡十有六篇

啓寰府君家傳

崇安侯壯節公家傳

新寧伯蓋臣公家傳

太傅新寧伯莊儷公家傳

新寧伯平蠻公家傳

逸才府君家傳

津軒府君家傳

熙亭府君家傳

步襄府君家傳

紹泗府君家傳

海嶠府君家傳

忠義家傳

節孝家傳

瀏陽譚氏譜敘例

先妣徐夫人逸事狀

三十自紀

爲卷二爲篇都二十有八

寥天一閣文卷弟一

東海襄冥氏三十以前舊學弟一種

報貝元徵書

元徵仁兄足下無恙霜英遂徂撫序曾喟况乃遠道云胡不思昔奉弟一書會尊舅氏王先生辱過發械共省薄言永歎以謂足下資性卓絕造德隆崇出之淵淵等輩咸伏猶尙戢翼天衢紆步塵鞅兼抱齊衰之戚空谷漣洏同方雅故疇不鄉風優喁乎溯曩歲盍簪之盛既皆睽迸王先生復之官山東于茲朝發居今談昔相與不歡而罷以足下遂當西邁振策在涂故不以時報諒之諒之旋奉弟二書猥荷包蒙存問周摯感不可已所布諸書分達如指爪霖頤上京師還當畀之足下改轍河南允云勝算既近尊外舅蔚廬先生之德光又中原山川純厚益以自敦其蘊比當稅息嵩高敷賦梁苑一遨一觀蔑非進道之資矣然則

砭頑之責足下宜爲嗣同肩之乃反見督耶謹齋心以俟今奉弟三書忠告讜言果如私望然又咎已進止不決有類鬪壺夫事有萬端遇之者一萬無適形一有定理迨遇隨事改理以赴形固非立乎其先者所能鉤取逆觀宦學遐上去留殆難自由稱心而言無嫌參差也嗣同神形疏放靡有羈束恆妄冀不卽棄於大雅時復攻所闕略飢渴情愴匪異朝昔往所酬畬尙未罄其侈心今聞紛擾之規恢擴宏義開通鄙懷不惜降志自責宛曲引喻肇察艾蕭中臣要害此誠嗣同畢歲營營期自制而不能者獲足下毅色呵止爲之滌衷易情識奮勉之攸在敢不欽登嘉貺不慙以忻特慮意久且懈違謬厥初和緩逝而疾復萌雷收而震遂泥素絲何常惟所染之故忻者今茲而慙者來日也乃若足下自狀愚以爲降志相誘非其本懷何者足下降賈純一夙德堅定似

與嗣同微反而失亦因之嗣同失既在此則足下之失宜在彼矣此對
待之說也且嗣同之失往往不自覺而足下自能省察如此此又疏密
之辨也訊病推原然與不然與夫大易觀象變動不居四序相宣匪用
其故天以新爲運人以新爲生湯以日新爲三省孔以日新爲盛德川
上逝者之歎水哉水哉之取惟日新故也未生之天地今日是也已生
之天地今日是也亦日新故也喜怒哀樂發不中節不必其乖戾也方
其機已勃興於後乃其情猶執滯於前何異鴻鵠翔於萬仞而羅者視
乎藪澤則勢常處於不及矣智名勇功儒者弗重不必其卑狹也方其
事之終成卽其害之始伏何異日夜相代乎前而藏舟自謂已固則患
且發於無方矣此又皆不新故也早歲之盛彊晚歲已成衰弱今日之
神奇明日卽化腐臭道限之以無窮學造之以不已庸詎有一義之可

概一德之可得乎常異善豈一而已擇之何云固執俛仰尋思因知固執乎此將以更擇乎彼不能守者固不足以言戰不能進者抑豈能長保不退耶此拳拳服膺之顏子必待欲罷不能而後純惟恐有聞之仲氏且聞何足以臧而後進也聖人重言性天非能之而不言殆亦言之而不能蓋日新者行之而後見泛然言之徒滋陳蹟而已莊生者疏人也然其行文時近日新爲其自言之而旋自駁之也嗣同之紛擾殆坐欲新而卒不能新其故由性急而又不樂小成不樂小成是其所長性急是其所短性急則欲速欲速則躐等欲速躐等則終無所得不得已又顧而之它又無所得則又它顧且失且徙益徙益失此其弊在不循其序所以自紛自擾而無底止也夫不已者日新之本體循序者日新之實用顧思以循序自救而以不已贈足下不已則必不主故常而日

新矣墨墨乎株守豈有一當哉然在足下自治甚嚴自觀甚密覺萬一有近似於紛擾者嗣同至愚極妄以爲乃明之未融非守之不塙若夫讀書忙亂少沈潛翫索之味此病不難醫苟揮斥箸書工文之念霍然立瘳矣嗣同深感不遺在遠之惠又恃往日摯愛之雅妄欲上慕仲顏贈處之風下規蘇李倡和之美遠取聖賢之所黽勉近陳彼己之所憂患竭心盡言忘其自醜將以大叩敢云淺報加久凍新煦品彙向蘇筋力暢固視聽精明興至命筆已不能休故曼衍尔尔世俗箋盒都不復效惟時時思聞德音少解獨學岑寂譚嗣同謹上

與沈小沂書一

小沂仁兄同門足下東都祭軼殷勤須臾口血未乾陵蹠以去夫以道路常常之人牽裾道款曲猶尙睠焉不息况我惠子曷止悵悵執雉始

見志同道合識孟嘉於廣坐標劉尹之雲柯千頃汪洋已可涯涘雖以
嗣同之質朽形穢百靡一當猶樂與從容文酒臧否人倫雕龍白馬互
逞其辭夕秀朝華苟持其辨意有所得狂呼野走於是般桓乎夕照之
寺弭節乎圓松之邱決背鳥飛天窮於遠莽索羣獸走物感乎暮氣相
謂此亦尋常行復見思不日不月斯會邈然遂已陳蹟可勝歎哉可勝
歎哉道出天津地形平衍空明四鑿託體若虛車中倦臥仰見游絲百
尺亭亭若苕嬋娟裔漾於九天之上謂是偶尔諦視則處處有之惟背
日乃得見今年春暮江南看楊華風日俱素正復類之目力故勝靜且
加明初可十許丈久之辨及百丈內外平視亦二三十丈何時不有游
絲靜便了了余許曩及足下討論苦乏精采正坐不靜耳夫侃侃之餘
曷嘗不遺物外已攝心一粟然遇於所觸歌哭縱橫獨抽之繭那復成

緒當此之時自覺鞭之不痛殺之無血莫悲於心死而身死次之此既
爲哀感中傷心不若人矣又嗣同弱嫺技擊身手尙便長弄弧矢尤樂
馳騁往客河西嘗於隆冬朔雪挾一騎兵閒道疾馳凡七晝夜行千六
百里巖谷阻深都無人跡載飢載渴斧冰作糜比達髀肉狼藉濡染禪
襠此同輩所目駭神戰而嗣同殊不覺今車行未二日計程財百里筋
骸飢敝若不自勝年未三十積弛若此異時儻遂有濟耶足下英年績
學獨秀無雙時時自省神非完固靈府噫不得開願持之以緩勝之以
不戰徐出而求友以自輔同縣有貝元徵者足下見後必當有異此又
目不見睫而侈論泰山臣死藥亦不靈者也日來離憂結轉魂依左右
口占此書用致綢繆宜發爲談未止此耳嗟嗟懷哉于役天風海山之
歌去矣皇都銅鞮秋衾之夢務崇明德請自此辭譚嗣同謹上

與沈小沂書二

小沂仁兄同門足下歲暮得奉盒教柄德謙盈而沖用之自處善矣而非下走所克承自惟薄劣未遑詩禮恃以無恐多師而已前書云云與足下長賴友朋之言若同質劑非敢以諛人者謗人也嗣是請一切罷去獻歲開春興致頗復佳否緯候解題當已寫定質直見示所獲愈多今復有數事請益遵義黎氏古逸叢書目錄稱高似孫騷略四庫存目編繙不可得煩懣欲絕由不審應入何部足下專精此書望指陳所在近自家大人使蜀頗富閒暇忘其專輒粗欲有事攬拾而官事轉振時復與達官往還哇言尸貌實違鄙心署中度歲薪米要會性尤不近論說之友又終闕如以此居恆邑邑內計心力漸頓便再咿唔一百年亦不過如是爾爾也悲夫熒熒之露既未容把翫殤伯鬼中亦會有窮

者爲比例定爲百斤亦須百斤之吸力乃能舉之粗剖球體爲百面面應受吸力一斤以一斤離心力之氣球安於百面之一面擇空漠無人之區竅地縋繩繩之巨細視竅之多寡竅之多寡視離心力之大小繫氣球於地球卽是繫地球於氣球伺月行至此度鼓氣球令充足欲絕地上騰而下繫於地必引地之一面而俱上地球與月本來相吸得此一面助之此一面之吸力自重於餘九十九面一有所重卽有所偏偏向月吸力卽專屬於月月將不復旁行而趨於下一上一下翕合無拒餘九十九面之吸力自愈遠而愈懈不惟愈懈地球一離本位九十九面之空氣必爭赴填其虛因其填虛又以得擠送之力力既有定向雖撤去氣球自然相卽不能已大致造端離位最難故氣球宜絕大大或難造分無數小氣球其比例仍同但能掣動分寸一得勢萬萬里無難

矣此就地球往月言之月來地球亦復吸者一面擠者九十九面非此往則彼來必辨爲孰往孰來或兩俱來而遇於隙地若國君之會境上華夷之交甌脫尙無由逆億惟月較小較輕來體多耳月去地面八十里萬里有奇以輪船速率日八百里計之千日可達况行於寥廓非有輪船行水之阻力抑非若火車輪碾軌道之相滯其速當數倍迨愈近吸力愈重行亦愈速不過數月已聯串如珠惟胖合之頃其來勢遠則相趨力猛恐一擊兩碎是所設之氣球仍不可撤日有曾益以爲抵禦若兩舟相切隔以浮伐固無害也旣已聯串性無可改卽終古無睽析之道由是復與它星相引繫繫固結如布基以平如累卵以長如堆垛以方以圓以尖以鼈臙以秧馬縱橫如志惟所使之欲自占一國則自取一星人滿之患以息爭城爭野之患以息華夷各有所驚而陵雜之患

亦息於是與足下朝躡赤霞之標暮度青霓之梁條星條月掉臂行遊是誠可以破拘攣之俗馳域外之觀矣足下其有意乎凡物春夏則漲秋冬則縮寒暑燥溼使然也大者有草木之榮落江河之涸溢其實小物亦然木爲鑿柄水之苦不可入金爲牝牡火之堅不可拔時辰鐘表不能無差機輪剛柔有時也木尺量紙不能無差木紙盈腴殊科也故續圖之家以紙爲尺然此紙非彼紙仍不能無差惟卽畫其尺於所圖之紙圖尺同在一紙久久如故其實人身亦然肌寒而粟縮也皮暑而澤漲也然漲縮分度甚微人遂以爲止此耳所謂微者特兩兩相較而見爲微是各體漲縮不齊之餘差非卽本體漲縮之真數本體漲縮之數必一漲縮一不漲縮始可相較而得其真今旣無是物則吾身漲之與縮安知不相去數十百丈數千萬丈數恆河沙丈小而蟲豸塵芥無

不然大而日星山河無不然無不然則雖相去數百丈數千萬丈數
恆河沙丈猶不漲縮此謂日用之而不知也必欲知之惟鬼而後可鬼
無適形無可漲縮故世之說鬼有數丈數十丈者有首大如車輪者有
掌如箕者拇如椎者亦有小如嬰兒者財數寸者鬼豈如此哉以漲縮
視不漲縮轉謂不漲縮者漲縮人漲視鬼小人縮視鬼大鬼豈如此哉
於是與足下召巫陽於帝閭問實沈之所郊匿微蹤於幽隱覩情狀之
昭昭以靜擬動以逸知勞非於物而有迫而物或莫逃見夫跛行而喙
息暴長而暴消昔孰屈而卑今何抗而高方將運肘布指絜其度占星
刻晷紀其由舉手歎愉喜則斯陶足下能彊起從之遊乎斯二者持之
非無故申之則有章言似謬悠實根理要又嘗以方波黎餅口安湣葉
用汽機筒抽去空氣旋即自碎圓餅則否蓋方者受外氣之擠力獨多

卷之二 附文
圓卽自相旋轉無所用其擠也西人識此理因論日月星地所以必爲圓體愚謂日月星地古未必無方者特皆被擠碎今不見耳是以知十日並出其九不存必皆爲方體惟今之日月星地悉毀圭角苟圓取容而已嗟乎凡今之所謂已修已齊已治已平者其不爲苟容幾何矣世宙信促避之無所一廬蟄伏疑遂積廢稍自激昂故具說如前蓋曰以詫其振奇適狀此中之無所得也足下憐之否莫笑其駭否譚嗣同謹上

報劉涖芙書一

涖芙仁兄足下乃者奏記申酬辭渙義陋將以博孫郎帳下之嗤何意辱季重東阿之畜伏見文虎鬚采苞鳳鴛華書規河北薄山陰爲嫵媚章溯當塗異元和之弦急煌煌麗制古今奚閒焉遠惟詩書之所垂戒

瞭史之所紀誦牂情締誼莫不以斯文爲盛軌其稱賡歌揚休尙矣嗣是式微啟聯句之篇宣尼炳會友之詔至若盲左所甄難可悉述故寧戚白水索解於童奴子贛抽琴徵辭於澣婦發言爲志莫近於茲自非終葵論象謬詰於陋儒金樓迫觀見窮於僉父亦疇不樂有多聞之友鴻雁魁碩之侶推綸送抱興往情來析臬比未曙之疑申細席舊傳之學玉琢於石錦澣於灰用胥益其性情而雪其聾瞶之辱者哉嗣同不自鑒觀懷此彌歲遠無獲於尙論近幾失於覩面乃承大度包荒曲見矜許漁父延緣之棹且張皇於漆園協律已厄之詩猶褒贊於笠澤劉晝六合魏收未鄙其名愚衛瓘三都太沖莞顏於覆瓿搗謙沖挹受者曷任被飾薰沐逾量爲愆夫操篋鐘者非期於傾賞而傾賞者遇之書舉燭者無當於治國而治國者效之同類曰孚不行而至言念施報則

亦有可述者嗣同少稟惛惰長益椎魯幸承家訓不卽頑廢然而家更
多難弱涕坐零身役四方車輪無角雖受讀於瓣齏大園之門終暴棄
於僮蒙無知之日東遊江海中郎之椽竹常攜西極天山景宗之餓鴟
不釋飛土逐穴掉鞅從禽目營浩罕所屯志馳伊吾以北穹天決滌矢
音勅勒之川斗酒縱橫抵掌游俠之傳戊己校尉椎牛相迎河西少年
擎拳識面於時方爲馳騁不羈之文講霸王經世之略墨釀盾鼻詭辯
瀾翻米聚秦山奇策紛出狂瞽不思言之騰笑以爲遂足以究天人之
奧據上游之勢矣旣而薄上京師請業蔚廬始識永康之淺中弱植俶
覩橫渠之深思果力聞衡陽王子精義之學緬鄉賢朱先生闇然之致
又有王信余陳曼秋貝元徵諸君以爲友困而求亨幡然改圖愧弄戟
多少之譏冀折節勤學之效如何不淑變生海外原隰悼痛踰踉來歸

基礎遂隳何期雲構自頃以來精力茶於當年鋒銳頓於一蹶子桓曾
逝者之唏公幹臥幽憂之疾後得復事澣彊續歡王貝益以涂君質初
相助亟勤他州豪俊存問不絕而臨觴撤御都無好懷發策未竟已復
忘棄耀靈急節蹉跎至今三十之年行見舍去君苗之硯未焚餘子之
步終失親知雨散益復無聊虞思慷慨不其嗟矣足下被褐懷玉質有
其文蚤受鑿楹之書高視都講之肆藝文數通雖一斑片羽可由意其
深造同里之彥實多君子家公之學遂有傳人夫何張衡之四愁頓釋
陳蕃之鄙吝斯固見靈光之賦爲之輟翰景說士之風甘於食肉者也
然嗣同至愚尤伏願足下恢八紘以貞度綜羣說以爲郭博取四庫之
精約以一家之旨不汲汲於淺效不沾沾於細名同舍生學有異同無
傷觀感任彼譏訶之來轉資多識之益竺信不惑終底大成他日汝南

先賢襄陽耆舊與所稱同縣諸君後先駢斬左右齊軼嗣同不敏亦將
憑軾以觀以丐洪河之餘潤而瞻桑梓之殊光豈不懿與豈不懿與劉
君瑾先元徵丞稱之曩歲枉過會親疾在視不獲晤語爲悵然累年天
假之緣終當一識鄉閭之賢者念此用不切切也屬書少作不賦其醜
勉思效命附呈白香亭詩此老本原深厚虎步湘中當代作者殆難相
右知擬先覩之也邇日肄業遂及何書有得不吝見教於斯道宜重有
發明若嗣同則徒云云而已山能受壤終澤隱豹之毛陸不如河虛抱
法蛇之志裁書布往主臣如何諸在口宣不復一一譚嗣同謹上

報劉涖芙書二

涖芙仁兄足下奉來教論陶靖節詩與嗣同所見若重規疊矩今更申
之真西山稱陶公學本經術最爲特識足下所舉區區諸老翁云云他

若道喪向千載人人惜其情汲汲魯中叟彌縫使其醇遙遙沮溺心千載乃相關皆足爲證而嗣同尤有謬解以謂陶公忼慨悲歌之士非無意於世世以冲澹目之失遠矣朱子據箕子荆軻諸篇識其非冲澹人今案其詩不僅此也本不植高原今日復何悔明可以無死之故也若不委窮達素抱深可惜懷寶而無其時也傷已感時衷情如訴真可以泣鬼神裂金石興亡之際蓋難言之使不幸居晉之高位則錚錚以烈鳴矣今其詩又覺中正和平斯其涵養深純經術之效也張南軒譏其委心之言不知皆其不得已而託焉者也且南軒能知其所委爲何心乎後此若王孟韋柳儲蘇特各各成家於陶無涉淺者輒曰原出於陶真皮相之言也嘗謂學詩宜窮經方不爲浮辭所囿聞者或不信之今於陶公既驗其然矣卽有宋儒先以性理爲詩至爲才士嘗詬然平心

論之惟擊壤集中有過於俚率者至於朱子陳白沙於聲調排偶之中仍不乏超然自得之致此詣又何易幾及也同縣蔚廬瓣蘄兩先生實能出風入雅振前賢未墜之緒瓣蘄先生雅自祕惜不欲以此皮膚粗跡表襮於人故傳鈔未廣以愚觀之經義湛深柴桑後未嘗有也蔚廬先生稱心而言絕無依傍雍容真摯適肖其中之所存翠華黃屋屯蒙隱見諸篇非學窮奧域貫徹天人亦烏能言之我輩兀兀雕鐫聲律殆終無以企之矣謹檢以呈閱惟知德者乃能知言當不責其阿好嗣同昔有妄言後世無樂文辭卽樂善察者不惟可得人品之高下兼可卜世運之盛衰瓣蘄先生致爲賞歎持此以觀兩先生詩若遺興三十章海國八章匪風無王下泉無霸諷詠三復不知涕之何從海國猶顯遺興志文俱晦在作者久官京朝詞無泛設然亦斷不肯自言其不得已

之故以意逆志十僅得二三遂已感人若此巢居知風穴居知雨哀思之音發於賢者此殆非天下之小故夫以兩先生之才使不得爲關雎鹿鳴之聲者時爲之也悲夫嗣同於韻語初亦從長吉飛卿入手轉而太白又轉而昌黎又轉而六朝近又欲從事玉谿特苦不能豐腴類皆抗而不能墜闢而不能翕拔起千仞高唱入雲瑕隙尙不易見迨至轉調旋宮陡然入破便縑絃欲絕吹竹欲裂猝迫卞隘不能自舉其聲不得已而強之則血涌筋粗百脈騰沸岌岌無以爲繼此中得失惟自知最審道之最切今時暫輟不爲別求所以養之者必且有異不然匪惟寡德之徵抑亦薄福之象尊師巨湖山樵亦覺微有此失無此失而又不靡薄者唐初四傑宋初西崑明初青邱國初漁洋開國隆盛之時順氣成象萬物昭蘇塙有朕兆不可誣也昧者求其故不得乃泥於一句

一字之險夷華樸以爲吉凶媿祥之占其於聲音之道奚當哉由斯以談則擊壤集之俚率要未可全非而陶公益侗乎遠矣譚嗣同謹上

上歐陽瓣蘆師書

夫子大人函丈舟維甫鄂轍環逮湘仲路爲之後從榮越因而失問坐睽令德怵憚如何前日里門時詣笠耕世兄歆其風氣日上掇皮皆真秉荀氏之規有萬石之謹通家厚誼道款推誠率尔造門輒與李膺之燕外存賓客辱損馬援之貽事會紛貶來去倉卒竟不及一箋言謝媿悚而已頃見函丈與黃佩豹書兼示嗣同藉審道履休咩爲慰讀至既經展拜新塋稍遂昊天瞻仰則此後無論升沈夷險可以少安於心我瞻四方蹙蹙靡騁何辭之悽苦而心之仁厚也夫鋒穎者頓猝滑疑者圖耀赴幾者迅奮委運者後時蹈海者狹節卻金者止贖昌言者亡等

默塞者違實天元地黃五角六張勢趨於極雖造物不能以自綱則志
士仁人之所爲長顧而審慮要必經緯萬端衷於一是特非事變未至
而先設一成格待之之所能黽皇矣然而有不能不自疑者東征之師
既挫衄不復可振矣則天下有大患不在於戰而專中於始事主戰之
人來書云深夜思之芒刺在背可懼懼也在某某豈不知如此舉止之
面猶隔一筵不了家事之意未宣外庭乃逆抉其隱微使無復容匿而
忍慙於一逞亦必深觀密計見夫機之已發情之已急言之如此不言
亦如此是不若明白忼慨直斥無隱天下因曉然於是非之所在庶幾
一意奉戴得以改圖易慮於人心向背之機其濟則天不濟亦何惜一
身爲三監藉口之資蓋其深心矣嗣同一齊民何與人家國事竊恐刈
善而遺善簪尙不若故劍前魚之可念一旦卿何以處我之間瞠目而

不能奮不知不覺遂與於不仁之甚而身長爲臯人悲夫既不能高飛
遠走不在人間斯貞之與邪亦止爭毫髮反復推求思所以終身自靖
之道了不可得嗚噫復聞納肝誰屬已矣繞朝之策徒有士燮之祈憤
激卽萬萬不敢而細席之言慮忘於臨難倚楹之歎轉疑於思嫁又抑
鬱誰語乎若夫運策帷幄折衝尊俎何以圖恢復何以靖海氛中權有
寄六翻頓張自智勇不世出之事非鄙心所敢任惟冀天祚我國使和
議速就日月朗縣如初草澤無詞可執則杞人誠愚也幸甚幸甚奉教
在邇餘不緦寫遙通江水毋任欽遲譚嗣同謹上

史例自敘

韓宣子觀易象春秋曰周禮盡在魯矣故凡紀載皆史而禮則由以著
焉者也少受易因及三禮於春秋獨不喜言例以爲例者史臣之通法

非聖人褒貶之精意所存顧於杜元凱釋例數數觀之以爲例者非聖人褒貶之精意所存固史臣之通法也法具而史明史明而禮起聖人吾不得見之矣秉此失其鮮乎嘗病條目疏簡又矻奪不完不足規周公制作之全而給後世紀傳之用輒研校四庫輯本羅列杜氏所釋輔以陸氏春秋集傳纂例劉氏春秋傳說例益推衍倫類廣求諸經史百家擇其尤雅詳以訓詁小學闡說字義本諸易以究天人古今之變而一折衷於禮疏別部居附於諸例之後於以補闕略通癡滯俾學者不失依據儻云萬一焉乃若崔氏之本例及例要張氏之五禮例宗丁氏之公羊釋例許氏之穀梁釋例說人人殊今專標史例非曰治經故學取言例之最先者而餘不悉及夫易言變者也禮不變者也變者周流六虛不可爲典要所謂新意變例歸趣非例也故筆削微顯不惟其文

惟其道聖人之春秋以之不變者質文損益萬變不離其宗所謂發凡正例也故科律嚴謹皆足以遠示來裔史臣之例以之欲發其例必先稽以小學著其指事類情之所在然後紬繹史籍徵信於三代兩漢之書於禮得其體於易得其通史學固然凡學莫不然也神而明之又豈例云例云而已

仲叔四書義自敘

孔冲遠作正義閒肖經傳聲口反覆申析其意王介甫效爲新學易詩賦聲病剗薄之習鑿空說經益張其名曰義禍七八百年未泯二者皆無當生人之用新學尤能汨人性靈而陰使售其僞惟鄙儒小生惰於殖學易其速辦而捷給乃獨好之慮皆故矜祕其術抗爲孤詣奧傳以自重夜晦無人私挾八寸論語轉相授受傳弟子數百人偃然自躋於

文學之科雄視四民之首愈益陵躐古今天下才士黠者漸覺其愚陋小變體貌刺取司馬子長韓退之積率不經意之一二字竄其中號於人曰古文古文人或弗能察也上焉者應科舉中第舉所習一切拉雜摧燒之庶乎知恥之勇者嗣同兄弟生用新學之時舍之無以操業受書以來未嘗不培其有用之精力鉢心鏤肝昕夕從事以蘄一當嗣同顧好弄不喜書冀蓋所短時時詭遁他途流轉滑稽疑其辭與當世大人先生辯論枝柱仲兄泗生不幸先生八年爲新學桎獨久致力亦獨深記誦所謂名大家義千自爲亦數百取徑獨峻絕幽隘乃至不容人思投之南北闈考官及學政府縣吏又俛得而復失或不能句讀嗣同所爲薄小燕俚宜易識然年自二十有一至今三十年十年中六赴南北省試幾獲者三卒坐斥仲兄則且儼然蹇抑死矣方今天下多故日本

陪我朝鮮襲我盛京海上用兵無虛日民迫窮困且向亂羣族盱目而
環伺大臣席不暇煖食不逮晨蒐卒乘峙芻粟繕甲械折衝決勝徂內
輯外機牙四出百心莫照此豈新學能任其萬一者哉竊惟不廢新學
無以發舒人人聰彊弦久懦則更張之新學不爲不久矣效亦可觀矣
更張之時其在斯乎嗣同行與新學長辭不復能俯首下心奉之因纂
輯所爲若干別爲一通仲兄僅乃箸錄其二知不欲以此見也夫日月
之邁疾不容瞬當宋之始更制豈知延延縣縣用弗絕至今日若嗣同
兄弟共案厲呼憤讀力竭聲嘶繼以瘖咽涕洟回顧一鏡熒然幾二十
年所猶尙如昨日事嘗感船山忽念身本經生之言以爲有無窮之悲
寧可復然哉益悲而已後之人幸見新學之廢其心得免於戕賊端居
泛覽或逮茲流失今無述將不知前乎此者被毒酷烈若此上之亦足

究識當時取士之具其間體勢不一各有所至今昔風氣變遷略備矣

記洪山形勢

洪山遠武昌會城四三里塔於其脊登者於環城百里可一覽盡夫建國必有所依據以爲固武昌國於江漢之衝江水南來掠城西而北折而東漢水又在其西其它澗溪陂澤夾持左右惟道洪山而東陸達咸寧通山以聯湖南江西之勢自魏晉南北割據策士以武昌上控荆襄旁制湘粵睥睨秦蜀鞭辟中原爲南戒山河之上游而英雄用武所必爭沿及今茲屹爲重鎮而咸寧通山又爲武昌之吭背洪山巋然扼其生死呼吸之所由且逼城而峙俛瞰城中一一在列誠主得之爲要客得之爲害者也昔洪秀全竄踞武昌湘鄉羅忠節公駐軍洪山斷其錘道雖實身鋒鏑而城卒以復然而洪山絕地也立於必敗敗而不可爲

者也主之利非客之利也何也爭利莫慘於前自完莫良於後狼之善顧非怯也不有可退無以爲進也洪山蜿蜒以東勢雄而單夾兩水閒無岡阜以爲之輔遠山皆在數十里外且阻水莫能達使城賊潛軍斷其後則不攻自破矣羅公之奏效非洪山之爲之而金口之爲之也方羅公之未至也益陽胡文忠公已先據金口且下及沌水羅公既得洪山益南攻賊壘以自達金口軍於是犄角之勢成而武昌以南皆非賊有矣賊伺其北則道險不利仰攻由北而繞出其後不惟無以自反而洪山既通金口則以金口爲後它非所恤今按其壘皆在洪山南蓋壘於南則可以取遠勢壘於北則徒自保而已故金口可襲洪山洪山必不能遠爭金口此險易之辨也然論武昌於今日又非天下所必重古之重武昌者以其挈長江之要領也今則中外互市輪舟上下而長江

盡失其險長江盡失其險則武昌者主固無以禦客卽客得之亦不能
一日守故武昌譬則斗也而其柄不在此將欲操其柄以斟酌海內挹
注八荒必先以河南陝西四川雲貴湖南江西爲根本而以武昌爲門
戶合勢併力以臨馭長江之下流然後東北諸行省恃以益重嗟乎古
今之變亦已極矣變者日變其不變者亦終不變也強變者不變持之
斷斷且卒不能無變况強不變者變哉余謂毋遽求諸變也先立天下
之不變者乃可以定天下之變觀於斯者苟權其本末順逆則又若洪
山金口之辨矣

劉雲田傳

光緒初元山西陝西河南大饑赤地數千里句萌不生童木立槁溝
瀆之殫水邕莫前殒歹橫轍過車有聲札癘踵興行旅相戒四年夏大

人上官甘肅道河南陝西觸暑前輓併日而食賓從死二人斲隸死十餘人它僕皆病憊無人狀又時時思逸去莫肯率作維時以賓從躬斲隸之役者爲益陽劉君雲田雲田羸瘠若不勝衣獨奮發敢任無擇勞辱大人臥疾陝州一家皆不能興資斧行竭藥又不時得雲田日削牘告急戚友夜持火走十里市藥踐死人大驚絕氣狂奔踣於地火熄以手代目揣而進連觸死人首卒市藥歸歸則血濡屨履蓋踣傷足及踐死人血也而雲田亦卒不病自是客大人幕府前後十有三年入粟得從九品職出權關稅卒乃贊安定防軍軍事十有六年大人巡撫湖北雲田以疾不能從三月歿於安定軍中年三十有七雲田名丙炎考某縣學附生早歿以雲田得官貤贈登仕佐郎母氏趙貤封孺人用節孝著稱雲田旣以行誼爲大人所重而仲兄泗生及嗣同尤暱就雲田中

表徐蓉俠從子傳簡亦皆與莫逆嗣同兄弟少年盛氣凌厲無前蓉俠亦敏毅自喜傳簡年尤少益卞隘自卓犖法度外雲田性獨迂緩短小貌寢般辟行罔豚惡豪邁人如寇讐時時稱道邨儒腐語規切人聽者唾涕欠伸猶絮聒不休而數人者或數年十數年日益親密罔聚則給以非理戲謔百出又勦使騎鞭馬奔駛觀其僵僕伏鞍噉號戰慄以爲笑樂雲田則莊色陳論不可終不以爲侮安定防軍隸大人部嗣同閒至軍皆橐鞬帛首以軍禮見設酒饌軍樂陳百戲嗣同一不顧獨喜強雲田並轡走山谷中時私出近塞遇西北風大作沙石擊人如中強弩明駝啞嘍與鳴雁噪狼互奮臂鷹瞞弓矢從百十健兒與凹目凸鼻黃須雕題諸胡大呼疾馳爭先逐猛獸夜則支幕沙上椎髻箕踞矧黃羊血雜雪而咽撥琵琶引吭作秦聲或據服匿羣相飲博譁呼達旦回

顧雲田方童坐瞑目誦大學章句嗣同亦不詫其不合益樂親雲田雲田歿前一年嗣同戰藝走京師以傳簡從別雲田安定語往年道中事雲田感念疇昔悲不自勝及行雲田送上馬立馬前泣不可仰視嗣同大怪尋常別耳雲田不當若此悠悠昊天別幾何時仲兄先雲田一年死傳簡後雲田一月死蓉俠不忍汶汶之故竄跡窮谷爲老死不出之計而嗣同亦且規規然繩墨中腐儒矣嗚呼

代大人譔贈奉政大夫任君墓志銘并敘

光緒十有八年巴陵任本堇自甘肅奉其妣彭宜人喪歸祔其考律清贈君之兆初贈君以貧故激葬未有銘今將累其家世子姓卒葬封贈行誼刻於幽堂而徵辭於某某某友本堇且十年聞贈君事故習往者布政甘肅事無險易一倚本堇本堇亦樂就某某而奉宜人居官署

聞宜人事又習其可不銘贈君姓任諱某字某世爲巴陵人曾祖某祖某考某世基徽懿文采放懿至贈君遽罹顛頓不竟所學挈弟力作沒齒晏如道光中大饑且祲人庶流迸行殍彌野贈君連遘閔凶瘡瘁負土斂窆用舉卒未嘗勸於人鄰人黎文星者富而俠雅重贈君贈君終未一往比黎氏中落向所周段操劑迫責室家爲毀而贈君以無負獨完蓋其貞介自植不苟資藉踣步於窮林幽壑以深樹其進取一概之義而待時研幾發舒開布所得於痛劬奔走者拚涉同生斯世之人其於艱窶凍餒極人所不能忍而能忍則其用也視險阻阨危叢勝歧駢紛而相環猝不得其首尾莫不泊然相遭犁然有當而震爍之權燭以平咸豐初洪秀全犯岳州新牆晏仲武陰附之里人某又附仲武翹其攫金召誘奸宄期於里之慈雲庵揭竿首難日率數十輩繕治供具或

陟高呼歎遲仲武至有問者拔刀叱曰少選當識乃公也時府城不守鄉兵未興距所期又已迫黠民悍夫雄顧思逞椎埋剽虜匪夙則暮閭巷洵懼莫必其命贈君既廉其狀因從兄某與仲武習夜遣就仲武誅以詭辭仲武疑不敢發官軍尋至誅仲武夷其黨贈君亦計縛某斬於軍由是里中清晏罔敢暴橫深識之士益知衆志之本固鄉之人之可與有爲藉以安坐畫策徐收鄉兵之效如所謂團練者或以扞衛墟井或乃奮戈四戰後先颺舉雲邁莫不表表然著忠勤隆稱號於世而贈君已前歿矣時咸豐幾年某月某日年五十有九以子贈爲奉政大夫葬某鄉某原某首某趾妻彭氏封宜人後贈君二十有幾年某月某日歿於甘肅布政使署年七十有二以光緒十有九年某月某日附於贈君之左子一卽本垚同知銜候選知縣女一適甘肅候補縣丞李琢孫

一德厚女孫三宜人亦巴陵人道光十有二年進士江西河口同知昌運之孫歲貢生安仁縣教諭浣之子來嬪贈君卽悉鬻簪飾佐植生業椎髻布裙操作而前縣故產名布宜人所織輒倍它值永夜沍雪未始休廢故贈君坦坦行其潔清之志而無所於求宜人之力多焉贈君旣歿本垚年財十有四宜人益自鐫刻勸本垚一如贈君之操及本垚佐治甘肅迎養歷數州崇奉日益廼厚宜人彌務劬抑餘以稟恤困乏真冷之辰顧謂本垚毋納賄賻玷而翁清節初贈君疾篤不御方藥曰豈以死故累親屬若宜人可謂匹休齊烈者矣方宜人居時違所居數十武有溪焉霖潦闌溢砵揭病歎宜人盡乎深惻梁以桢樞然苦易權朽謂本垚曰它日當勉易石今本垚竟石之如宜人命云銘曰噫祚微而尙可持德卷而卒莫施雖則莫施以澤其牟裔而罔弗宜隆

厖之封疇艱疇疑絲融之佑疇際厥涯謂天或爽鑿此辭

城南思舊銘并敘

往八九歲時讀書京師宣武城南塾師爲大興韓蓀農先生余伯兄仲
兄咸在焉地絕蕭曠巷無居人屋二三椽精潔乏纖塵後臨荒野曰南
下窪廣周數十里葦塘麥隴平遠若未始有極西山晚晴翠色照地雉
堞隱然高下不絕如帶又如去雁橫列霏微天末城中鮮隙地民間葬
葬舉歸於此蓬顆纍纍坑谷皆滿至不可容則疊瘞於上甚且掘其無
主者委骸草莽狸獫助虐穿冢以嬉髑髏如瓜轉徙道路加北俗多忌
厝棺中野雨日蝕漏浚舒洞開故城南少人而多鬼余夜讀聞白楊號
風聞雜鬼歎大恐狂奔兩兄則皆撫慰而呵煦之然名勝如龍泉寺龍
爪槐陶然亭瑤臺棗林皆參錯其閒暇卽浼兩兄挈以遊伯兄嚴重不

常出出則健步獨往儕輩皆莫能及仲兄通悅喜事履險輕矯陂池澤
藪靡不探索城隅井甘冽輦以致遠穀鳴啾啾和以唵蟲淒楚動人肝
脾當夫清秋水落萬葦折霜毀廟無瓦偶像露坐蔓草被徑闌不逢人
婆娑宰樹唏歎不自勝欣欣卽路惘然以歸僕本恨人童年已爾乎顧
成人同遊蓋莫不爾泉壤使樂而墟墓生哀抑所處殊也自伯兄不祿
韓師旋奄忽卽世余絕跡城南十有五年後攜從子傳簡入京師尋所
經歷一一示傳簡且言余之悲傳簡都不省意頗悵恨以爲非仲兄無
足以語此而仲兄竟歿素車星奔取道南下窪佛寺梵唄鐘磬朗澈參
以目所覩瞿然大驚謂是疇昔徐悟其非一慟幾絕今傳簡歿又四年
余於城南烏乎忘情又烏乎與言哉湖廣義園亦城南僻壤也親屬歿
京師寄葬園中歲時持雞酒麥飯上冢俗禮乘小車白布蓋紙錢飄颺

左右及冢挂紙錢樹枝男婦皆白衣冠再拜哭祭祭已哭益哀良久乃去有少婦弱子伏地哭不起供具又倍盛則新冢也方余讀書城南際春鼃唳雨棠梨作華哭聲殷野紙灰時時飛入庭院卽知清明時矣起隨家人上冢已必遊於大悲院院鄰義園其僧與余兄弟久故導余徧履輿曲僧墓兆數十頃衆木翳之昏雅謹踈彌見虛靜蓬蒿長或蔽人雉兔竄躍蓬蒿中歸受高菊砌詩至日墓狐狸眠冢上夜歸兒女笑鐙前觸其機括哽噎不復成誦塾師駭責究其所以復不能自列長大舉問仲兄兄憮然有閒乃曰三復令骨肉增重烏虜其曷已於思抑曷已於銘

峩峩華屋冥冥邱山人之既徂鬼鳴其閒曰鬼來前予識汝聲二十之年汝唱予聽予於汝舊汝弗予櫻昔予聞汝雍穆羣從妄謂永保交不

汝重歸然惟汝子然亦予予其汝舍予又奚趨星明在天霧暗覆野被
髮走呼寂無應者噫嘻吁嗟予察厥原汝之不磨汝亦匪存寒暑晦明
來以賡去人道已然鬼獨能故豈無醜醜新死者歎豈不越越後寒之
骨噫嘻吁嗟鬼無故人憂誰與寫不輟如焚卷地沙飛索羣獸寒缺碣
眠隴白露彌阡我之人兮於茲焉託面上厚丈長幽不窳醜酒荆榛時
言可作緬懷平生亦富悲冤淚酸在腹齋以人泉泉下何有翳翳昏昏
息我以死乃決其藩閔予之留實肩斯况豪樂織哀奔會來向明明城
南如何云忘城南明明千里惻愴

寥天一閣文卷一終

寥天一閣文卷第二

東海襄冥氏三十以前舊學弟一種

啟寰府君家傳

府君名啟寰字佚福建路汀州清流縣人今清流縣汀州考挹妣歐陽宋

末從主管殿前司宋史職官志殿前司都指揮使部以勅州都指揮使充考挹妣歐陽宋

司公蘇劉義出師禦元兵水戰不克死之蘇劉義非云與無子世絕始金兵而

遷福建之始祖七傳至府君崛起單微用節烈顯偉矣財百年而崇安

壯節侯及弟楚川府君死夾河之戰又二百年而新寧伯弘業公死流

寇之難大節炳炳前後相望遂以武功著望於有明二百餘年閒位侯

伯者九世十人建幢節握牙璋抗慨奮興於功名之會者肩相翼而足

相踵青史勒於當年英風扇乎來葉入國朝漸即零替卒無有放辟邪

相踵青史勒於當年英風扇乎來葉入國朝漸即零替卒無有放辟邪

侈陷刑辟閱有司者咸同之際兵事孔亟宗族子弟執干戈効死於四

方十有二人傳江州本陳江州傳清江傳西州傳陝州傳亡傳立廣浙西陳亡傳位編江建

建陳亡傳江州九陳江州傳亡傳海陝西陳亡傳自傳健編固舊譜云銘盤府君

義方是訓敦實府君英賢卓犖有以啟佑我後人而成仁取義開一族

忠義之風要莫夙於府君也府君固長子禮無無後似續闕如而始未之冠

與之失物亦感正與身名俱寂雖府君一往自靖無所藉待後者不述又烏

知興起之所自有如此哉有如此哉

崇安侯壯節公家傳

公諱淵字溥泉號時菴福建汀州府清流縣人同今考如嵩明洪武閒顯太

元帥官燕山大今興直縣嶺南天府右護衛都明府兵志平都司副千戶明志從五品官

五品欽定武毅通將典明有制武略將軍從妣裴考歿公嗣職公軀幹修偉膂力過

人驍勇善戰引兩石弓射無不中建文元年明元帝七月癸酉明年史月成日電錄

補燕王起兵從奪九門師今京八月壬子宋月日破雄縣定今府直隸縣保

甲寅南軍都指揮史日及官職潘忠楊松補自鄭州府今直隸縣河來援

公帥壯士千餘人伏月漾橋縣在水中人蒙菱草一束通鼻息南軍已

過卽出據橋忠松戰敗趨橋因禽之南軍大將軍耿炳文屯真定滹沱

河北正今定直隸壬戌公與張玉大破之獲副將李堅寧忠及都督顧成斬

首三萬級王彥王成之王至王明王定王本王張王及王孫王不王雲王明王史王軍王祖王破王紀王之王輔王成王其王副

此將之李拔擊居寧廣破及捕都來取顯成寧克斬首三萬時水精下又此之成固顧定役不永從平則人前

敗大寧軍居寧破及捕都來取顯成寧克斬首三萬時水精下又此之成固顧定役不永從平則人前

也人識見於備老以功累進都指揮同知明史武官從二品有欽定國將通

將軍國建文三年三月辛巳無日今本據明不史詳憲年帝月紀成禮有紀年補月而從燕

王南出保定保定今直隸府遇南軍平燕將軍官職起補明史盛庸於夾河今保定

南定府南軍列盾以進王令步卒先攻騎兵乘間突之公見南軍陣動塵

起遽前搏戰馬蹶斃於陣明史夾河帝紀其建文三源三月辛巳盛庸三年三

月能辛巳再與盛庸捷過於夾河盛譚傳戰死文朱三能年三月能燕戰兵復南譚出滿保死定燕庸師

軍列夾河以進王輕命騎步來視先掠取陣而兵過乘勝圍遣騎千八騎追屠之為燕兵斬射其御將及譚戰滿

王悼惜明史張於下罷傳其後悼懼惜淵不沒如於玉夾也河即位贈都指揮使志明正史二職品官

追封崇安侯崇安今福建縣

諡壯節建祠以祀明史有傳明史本千修八譚燕滿兵洛起流從人奪嗣九交門職破為燕縣山潘右

忠顯顯通松自鄭州來已探過湖即射據士播千忠餘等人戰伏敗月趨謙橋不得中渡人逢持被獲禽軍一果逆來

命部給給探同時知卒滿未馳灌勇善善三戰千引餘兩人石符弓明射給無厭不灑中一然夜性盡嗜殺殺之洽王州怒破灑成日報

夾此河會之營戰壯南士軍得薄之勃為應接起患滿王遽日前知博爾戰首馬當顯盡被殺敵敵成敵觀可憐盡情乎之滿即滿位而贈通

故都封指新揮寧使伯道諒封千崇石安永傑繼繼二壯十年立將何右祀之從子忠沙從漢入宜京師元有年功表又征以峻
 不安三年帝魯曰正券交有陸失死律文下其贊子論嗣死再已傷至禱孫卒貽子成慶化乞中關協吏守部南首京還罪受死
 四前年府顯提胡督廣嗣督九累加暨太有傅功嗣益伯陸六十九占九役年軍始士卒奮趙爵莊數傳子至綏弘嗣榮國靖亡十
 名死無於異賊明察史見不於悉續錄通鑑並入功臣世表河明戰史死功成臣顯世即表位崇道安封侯弘嗣榮國靖亡十
 史欽定職官續志文公獻通伯考凡淵三碑成以盟封起功兵職及死於威爽皆河有永流樂有初世道功封侯弘嗣榮國靖亡十
 附券定功說臣四等封號從曰成奉祖天起靖兵難曰推奉天喻力歸武推臣誠功臣大明明會典力永樂季弟

漢字楚川夾河之難殉焉十六世孫嗣同曰公於啟寘府君為族元孫
 儻風其雄武者與兄弟并命抑又加酷茅土雖世於公乎奚當若夫君
 子之澤九世未沫國君死社稷有明之天下且與俱賈以是始以是終
 而五等之封乃足為世貴赫赫然矣

新寧伯護臣公家傳

公諱忠字蓋臣崇安壯節侯長子妣氏楊氏瞿楊無出公及弟恕皆瞿

出明建文四年紀元帝從燕王入京師江今蘇州府力戰有功又以壯節故當

封九月甲申紀月日封新寧伯武新今蘇州府賜鐵券會大典明

凡設方右形各如一履面右刺輪封諸臣左職上內府黃金祿千石明史

洪新國字伯忠能九成月闕甲公申張封武祿等千侯石宣十三人餘群等明史

月丁卯勅發天正順統九年四月六年六月癸巳卒與裕成化十七年十月前府丁屬已與軍賦加三年保三

甲正茂麟四十年一月三月五月領軍南歸京前靖府四十年七月卒值功承嘉靖四年十月二十二年八月

歷月庚未九年七月十月戊午年領二領十京左府六月甲申元年年二月丙午年十國七佐

顯年通八月乙越西考縣天寧取伯三譚年忠淵弘之子天成驢中郎位崇封縣末于石宜誠德欽三宜續從文

卒征輸文正隆統失十律四下年獄論景死泰已三年釋卒八結年醫卒之傳弟璣天官順錄元年年贊醫嘉正靖統四十年卒年

隆慶元年四年萬曆二十七年辛功忠嘉助萬曆二十七年監慶元年辛國弘佐

傳樂亦天無歌之中然發傳臣晉華環羅葉封表時傳都於臣成首重朝以所障封死每不開當予海帝券日之券文有於免譚死湖

一文人其自予徐嗣壽則至其烈于才世是券也可但知譚矣忠又與按劉成才祖何紀以時不雅列功臣徐臣祥敬等次伯之者內十

王伯所於檢譚通忠考封於說劉則才亦云無靖釋離守廣永樂二十年紀成元祖三月丁丑明史日成檢

補通紀將右掖從征阿魯台明史成台元祖生紀本雅十年三月之月臣丁丑明史征駐阿魯台

漢信舉及其善埋番之作人從略征也沙宣德元年紀元宗八月己巳宜月宗日紀補明史從征樂安

已明至史樂宜安樂紀安元今年八月己巳定已府親征高麗辛皆有功十二月乙酉明史日宣德

補宗紀副征南將軍總兵官宣宗職紀補明史沐晟討黎利十明史乙酉紀征元南年

通將軍柳棟升兵帥官保野定國伯公謙沐鏡都其督與嶺安由徐壽南廣西分道忠討征黎利聚將功軍臣安

中無之謙舉舉忠為封諡之又謙無惟新安國伯傑壯不節公外傳國有傳復又命沐之文為可征黎利南知將軍為

壯與節安公伯傳徐及享營新節寧皆伯不譚行忠今為不知右為副左將軍右從便南繼滿增兵然察各為徐副享將軍

寇疑情勇稱右平副定將軍者也後集為利安南南王叛三年坐交趾國今地越南失律下獄論死史明

交宣 融宗 紀王 二年 等十 及月 戊寅 王 謙 中 崇 官 交 山 址 與 黎 利 下 嚴 三 餘 年 死 聞 籍 四 月 家 庚 外 國 使 傳 書

山三 壽年 馬重 驥通 及等 布至 政京 使文 弋武 謙 諸 俱 臣 驗 合 死 奏 下 其 獻 拜 籍 廷 其 鞠 家 具 帝 服 終 乃 不 與 誅 陳 貝 智 馬 得 瑛 決 方 而 政

終已 讓駭 於恣 王虎 通激 及變 沐輝 墨尤 至重 水而 尾 獻 則實 和無 謀 罪 已 皆 成 局 不 論 得 時 已 議 引 非 退 之 案 為 安 黎 南 利 一 所 役 乘 始

鄭今 宜幸 時率 論與 非遜 之間 已得釋 喪明 史 尋 外 國 國 罪 帝 廷 不 臣 復 獲 劾 沐 嚴 除 在 幸 已 諱 釋 忠 之 道 茂 留 故 及

紀帝 外不 圖間 然 皆公 不之 言下 亦 賦 可 惟 見 歸 壯 節 所 不 公 在 傳 也 宣 宗 八 年 五 月 初 臣 也 諱 明 補 史 薨 明

史附壯節公傳並入功臣世表弟恕官名青字如心積功至都督僉事

二 明 品 史 勳 職 授 官 縣 志 騎 正 將 二 軍 品 升 據 授 欽 金 定 晉 給 特 遇 軍 典 加 明 授 制 龍 武 散 騎 官 正 永 樂 十 二 年 二 月

庚戌 成 日 祖 紀 補 明 定 從 征 瓦 剌 刺 明 蒙 史 古 外 都 屬 落 傷 也 天 以 都 督 明 史 欽 定 官 志 掖 志 正 典 一

一 明 品 制 初 一 授 品 特 武 進 散 騎 官 用 蘇 川 大 文 大 資 升 大 授 明 特 會 進 典 光 文 錄 散 大 官 天 正 領 左 掖 二 明 年 史 二 成 月 烈 庚 紀 戊 十

僕 魏 李 征 彬 瓦 領 制 左 安 右 道 哨 侯 成 柳 山 升 侯 鎮 王 大 通 營 都 武 督 安 謀 侯 青 顯 領 亨 左 領 右 中 掖 軍 都 寧 督 騎 劉 侯 江 謀 朱 愨 榮 豐 萬 城

則 前 高 註 所 王 領 通 為 傳 左 領 右 掖 大 破 敵 兵 追 奔 至 土 刺 河 劉 明 江 史 遇 成 夏 祖 則 紀 兵 六 載 月 於 甲 庚 辰

河哈馬哈茂敗木寶之通茂申茂水忽喇十忽失河溫馬哈木爾律乘來犯大占敗無正通至可土誠
在蒙古十地刺河師旋受上賞至明北京成祖午紀八月辛將土朔子源璟官名璟字

懷光嗣爵時吏部言父罪死不當嗣宣宗援鐵券免死文特予嗣宣德

十年二月丁卯功年臣月日世日喪補明史嗣封新寧伯正統十四年紀英元宗六月年

臣據明史補功薨孫陸裕官名裕字元吉正統十四年十月丁巳明年臣月日誅

補世表嗣封新寧伯景泰三年紀代元宗三月功年臣月日世據明史補薨無子傳弟陸祐

自有傳十五世孫嗣同曰觥觥烈祖啟字新寧蹈厲揚休克都厥成亦

有介弟扶翼專征龐緒無絕勳于券銘

太傅新寧伯莊僖公家傳

公諱陸祐官名祐字履吉考源璟妣夏明天順元年後英元宗六月癸巳月年

臣日詳明史補功襲兄陸裕爵為新寧伯成化中紀憲元宗協守南京明應南京職官

同守一備一城一人為協侯守南都督充之江蘇江寧府將成化十七年臣世表明史功還

掌前府軍選都督選府北五京前於前正德四年紀元宗七月年功臣世表明史提督

團營五明軍史其功一臣自世于去兼作顯五軍營於五軍團營之團稱譽明以制動臣營凡三累加

太保至太傅品明武散官用志文太費傳大明會典正文一散官正欽一定品初授典特明逆制集一

逆絲光大綠大升大授特嘉靖四年紀元宗薨諡莊僖明史附壯節公傳並入功臣

世表公好讀書言動必以禮法自持善撫士卒威不掩恩薨之日五營

哀慟聲震原野身歷五朝無豪髮過失明史歆其嗣爵六十九年始薨

蓋碩德耆齡在位長久為近古未聞也十三世孫嗣同謹述

新寧伯平蠻公家傳

公諱宗綸官名綸部開倫時更有一敏諱徵綸自字宜理官兵字詔晉新寧莊僖伯

長子妣李公幼即軒昂忠勤勸志明嘉靖四年紀元宗閏十二月甲戌日

臣補明史表功嗣封新寧伯十一年三月臣月世補明史功領南京前府都督前

十四年佩平蠻將軍印明勝史謂職証官志燮改報充總兵官鎮守湖廣明志職兵官

又無品級總總一方官者一為人鎮守其城總兵掛印史地理將軍者湖廣省城門為武昌將軍

湖北武勤九溪蠻順今湖南永有功益祿坐占役軍士奪爵已而復封二

十七年薨安公則完留深居蠻蓋則久於湖南在故子南功明史附壯節公傳並入功

臣世表子功承字光烈嘉靖二十七年八月辛未功臣世日補明史嗣封

新寧伯三十六年十二月功臣世日補明史領南京左府都督隆慶元年

紀元宗二月丙午年功臣世日補明史薨傳國佐隆慶元年七月戊午年日明史

表功補臣世封萬歷二十七年紀元宗六月甲申年功臣世日補明史薨傳懋勛萬

歷二十七年八月乙酉功臣世日補明史封天啟三年史宗紀元年補明

薨傳弘業天啟中封崇禎十七年紀元烈帝三月丙午流賊陷京師殉節

明亡國除十二世孫嗣同曰公官湖廣子以綏府君留為湘人十傳至光祿公遂以湘人巡撫湖北兼攝湖廣總督江之永矣漢之廣矣舊公建旌節之地也予末小子泳繹世芬罔克負荷則惟數典忘祖是惶夕惕若不敢康辟不敏也而譜由此其興焉

逸才府君家傳

府君名國表字興基號逸才湖廣長沙府長沙縣人湖今南分考功安肇遷

茲土妣氏盧氏楊盧無出府君弟三人皆楊出府君以嘉靖二十二

年世宗元紀生少有大志念先世以武功顯日以紹述為事遂投身為防守

操練營卒以功官明保定保今直隸府參將職明官史志職官定參將凡四品曰級又

某國又參將曰無品級二國必別參將曰木官若水職口參將曰明切馬雖參將不擊知把所總官亦為

為多光以制無部司督也等懷職者官備志供武由八部年十通月語將各刑部衛并國改為之部官指制

也攝且使部司指凡攝司使設司部衙司署十有名二城行都部指司三使則或都同指者擇部同指或使部同指會文
事或得經稱歷某部事為斷都事吏目疑獄時倉庫必舉都場司大署中之屬官皆充保司定署中轉之其官
本支配子孫不識人明是制為三品國封朝考官明史增職官舊志都而指終攝諸使者用未惟考都耳指舊攝
於其配子孫不識人明是制為三品國封朝考官明史增職官舊志都而指終攝諸使者用未惟考都耳指舊攝
會朝事為將三三品之制而為是益之與也亦其存疑民懷吏畏去而見思天啟
二年紀原元宗歿其舊官品級究未詳知而家傳又云壽夫八十卒則之必例故於書是歿年又

年八十兄子懋武字繼喬體貌魁梧勇力兼人幼習舉業不得志乃從

府君習騎射挽弓數鈞矢無虛發時人推文武材明吉藩見英宗弟於七

沙國聞而召之擢為護衛百戶制明武職官正六品曰承信校尉射通信與校明

積功至副總兵官舊志謂作副總兵無品級則不知名在本官明為稱何又總兵不知明官史於職

亦何不知其配一云品封夫人生於嘉靖四十二年五月歿於天啟四年年六十

二舊譜敘逸才府君官殆失實又褻然特為傳繼喬府君為嗣同遷瀏

陽之祖所自出亭茂諸田濟產軒於府大君賢序部職及喬東山君段守此舍可於四方通塘前及之八角

增如然案選後四方字非舍之字增舍字歸舍於則本似遷繼者喬傳府請以濟上等職居稱其為地而居特有

君傳所創四方則塘之字荷舍本都餘不為可繼復喬識府逸才府君曾孫俄從遷焉今是正

誤文隸以事類夫豈徒哉期不墜地云爾

濟軒府君家傳

府君諱世昌字長發號濟軒考逢琪越自湖廣長沙府長沙縣湖南分遷

於瀏陽至今為縣人妣張先世將門閥於武烈文學無聞焉自府君之

考為長沙縣學生國朝諸年已六十二在明代否然入府君復繼為府學生

十餘請亦不言入序當年國朝考順生始以詩禮啟厥家府君慨念宗祊餽芬

禋祀族屬交孚俶修譜牒爰纂家訓都二十二則順初纂家訓曰父八母之一德孝

運開二於吳愛天兄弟生曰行孝順人為先跪同父反哺乳物分類可然凡我外傳妻姓被擄田畝刑劫

歸四 宜觀 基礎 偏主 無家 所斷 依無 歸嫌 者愚 果三 其困 生窮 平宜 正歸 大也 無子 疵性 可繁 指奸 族贊 求富 須安 設能 法如 任一 婦族 之內	尤講 當也 休族 威人 相原 關出 往一 來監 應豈 酬可 自視 必同 彼棄 此越 相須 諒有 即無 無相 禮通 儀娛 不怠 妨相 親濟 至古 贊凶 蓋慶 以弔	敬通 歷色 專柔 幼以 戒靈 財專 產幼 未之 濟道 應非 鄙特 房下 族不 公可 刑犯 毋上 輕少 致不 訟可 以陰 傷具 和即 好尊 二具 權亦 聽不 宜得	宜入 與自 也止 亦權 族逆 尊雖 專來 具存 幼心 富仁 分禮 館即 各命 安安 凡貞 在介 尊爾 具繁 之耻 前又 須家 知規 行十 後則 盡一 隔禮 實讓	守貨 分財 安曰 命古 勿人 救垂 懲訓 歸富 四貴 毋在 好天 爭難 訟有 曰機 天事 水駭 違與 行爭 事權 須一 謀歸 始百 君萬 子銘 無靈 爭強 妄憐	遷止 快威 屬備 奢貳 而差 目戒 有原 暇勿 我書 心飲 匪酒 石孔 不嘉 可二 以毋 轉即 弗約 納淫 於曰 邪書 非欲 禮既 是深 遠天 三機 毋必 貪淺	四歸 則帶 一詳 毋詳 事載 廉賄 飲極 曰博 萬遺 疏子 備一 飲狂 狂金 樂玉 非廉 佳樂 三屬 揭在 百本 拜支 笑須 詔勤 無探 神索 實又 既家 辭成	用元 可吉 致七 豐治 陸家 吾勤 僕儉 共曰 勉克 善勤 始克 圖儉 終萬 八乃 裕成 後功 詩樹 善列 曰七 人庶 求財 多方 聞不 學充 古匯 有身 覆節	風情 相容 維識 相時 慎伏 專顧 稽晉 成接 周確 太權 和持 洋身 溢有 出道 入庶 往幾 來準 毋從 生六 遊居 履弗 共洽 贈和 囑曰 鄰同 具井 旋之	道統 親曰 親大 各宗 宜小 思宗 付誰 五非 持一 真本 恭行 敬華 曰方 維德 桑葛 與萬 梓勿 不損 忘遠 敬近 恭視 况破 屬形 威迷 黨亞 敢渾 存人	兄弟 之身 實無 敬逆 訓友 為愛 先克 貽教 謀比 燕匿 翼前 世古 澤三 長教 歸跡 舉子 以孫 養曰 正名 勿門 實有 製族 年每 四種 擇後 篤賢 宗父
--	--	--	--	--	--	--	--	--	--	--

四者承漢統不
宜關懷心也
踏我人族相
荷親先謂
蔭宗徽
行何瓜
但寡固者
已亦生不
聚得甚特
榮尊但特
恐強偶借
有端願冒
於素

孫嗣亦慮不
需得人出承
撫繼他者姓
亦慎必之昭
慎種之相
五當品外
行姓宜及
端隨也母
夫子禮概
義不廉許
恥立生即
人本之宗
太子

致節玷不
家傷聖為
貽士子
後當世知
六自交重
遊即宜農
擇工也商
朱賈子亦
云必云情
志守老禮
成注急毋
可得相輕
倚薄釋妄
願為

能愚有少
成久者必
鮮受突累
七且本近
樂未宜者
動赤也近
古愚人者
云愚有苟
田內不無
耕賢倉父
顧兄慮外
有無齊賢
不師讀友
子而

亦孫宜
愚操余
井族曰承
可世紡業
續代以禮
章書內香
助凡入秀
持者身當
宜習儉詩
也書人機
而者不務
儉寶不蒙
能輸與即
家婦放人

富貴者者
必須不知
能從久儉
貧富者者
必亦至當
於制終節
贊若本於
身飲雖食
免衣飢服
寒居子室
孫器亦用
受任果意
交奢可侈
不則

明當各
後自九
挂保
墻墻
修當
理處而也
太子祖孫
並之墓
墓親繼
女皆子賴
孫祖按宗
房之輪積
培累不各
得房推填
議墓至每
每屆年清

人冬之
至道
疑從期
夫族從
乘子齊
故集內
以首致
不孝出
事於必
相誠外
必書敬
不毋入
得於忠
相忽所
十以內
正外
關宜
門應
也家婦

者匪須
若教北
訓離助
司開
顯使則
他惟日
家或之
稱求
真交
淑至
亦女
足生
為十
宗歲
旗為
光父
母

實可曙其本末矣其學蓋出程朱故訓辭深厚日可見諸行事砥厲名

誼不旌殊峻出之為敦篤為雍睦宗族猶能言之明萬歷四十六年三

垂緒於茲以無顛

月二十日生入國朝康熙四十六年歿年九十七世孫嗣同曰府君行事多佚舊譜又無傳輒綴拾譜敘諸雜說及耳於父兄者百得一二補爲斯篇率是而吾族乃有問學之士則府君教澤遠焉然老師宿儒湮於寒素又不勝紀今卽所知最著者表出之是皆衍府君之學而思有光焉者也文章字華國號黻亭府君之孫縣學增生舉優行循守理道鄉里敬愛重新學宮及書院以貨財筋力爲人倡髦期勤學日手簡策課諸孫年八十二經權號平山府君曾孫疏食沒齒貧而無怨以字定衡顏所居曰衡門豁達善戲謔工爲楹聯今有傳誦者年七十九學炳一名日新字若星號朗軒府君元孫操履剛方奮發有爲善殖生產濟衆不匱道光中大水發倉振困全泮無算家廟祭費悉出己資至今賴之年九十繼謙字坤山號益臣府君來孫績學有文清迥不諧俗族人

多從之學年六十七繼志字竟成號立君亦府君來孫天資開敏善屬
文下筆千言難與曹偶利器不遇鬱伊以終年三十四學淮字濟川號
柏山縣學附生弟學洲字登瀛號仙舫府君五世族孫闔然自修誨人
不勸從遊者多所成就兄年六十八弟年七十二繼雍字培元號介亭
府君六世族孫隱居教授博極羣書尤工詩所著有字義考五卷故事
蒙求二卷菴竹山房詩一卷文一卷書法駿整茂密似文衡山又善摹
印篆刻精審似文三橋常以意編輯世表手錄一通嗣同猶獲覩之點
畫工緻絕倫下至闌格界綫無或苟簡修譜者資焉年六十

熙亭府君家傳

府君諱文明字斗煌號熙亭考之美妣氏黃氏陳府君陳出縣學附生
以光祿公貴累贈光祿大夫夫人金氏諱牡贈一品夫人府君篤學固

窮文行有斐所居深山人間絲隔榮垂不翦篋瓢宴如階下植松一出
入撫弄遂署楹曰數閒茅屋蔽風雨一箇松兜傲雪霜聞者高其致焉
初補生員信使至會府君近出未歸夫人樵山中圭華外閉若未始居
人使逡巡疑且非是退遇夫人負薪於途因問媪知譚秀才家不夫人
應爾爾便導至家曰此是使曰媪爲誰具道所以乃驚拜夫人徐釋所
負薪爲治具操作落落初無遽容家譜失修近百年賴府君督成之府
君生康熙三十二年十月二十九日丑時歿乾隆三十三年七月初七
日巳時年七十六夫人生康熙三十二年十一月初七日戌時歿乾隆
三十一年正月初二日巳時年七十三子經義字鎮方號矩齋累贈光
祿大夫教授鄉里以還遺金見稱於時其弱子學聚被鄰舍牛舐觸腹
洞腸流宛轉遽斃鄰惶怖欲死膊葬惟命則自致哀而已堅不少受亦

終無一言識命歸厚爲能嗣厥家響矣生雍正七年十二月初三日辰時歿乾隆五十三年正月初十日酉時年六十元孫嗣同謹述

步襄府君家傳

涂大園先生曰啟先夙耳譚贈公逸事往與修縣志議不合不問人物志友人欲爲先君子立傳引嫌卻之時贈公長子海嶠先生實主志事謂亦當代爲引嫌而贈公竟不著頃館贈公三子敬甫先生家會修譚氏譜亟傳之以補吾過且諗來者知志所以闕焉傳曰贈公氏譚諱學琴字步襄別字貴才上祖功安自福建遷湖南長沙縣數傳遷瀏陽祖諱文明始居南鄉吉田市考諱經義妣氏黎無出氏李生子六贈公實仲考病瘵食必甘美贈公典衣以供至污澣必以夕益貧不能終讀伯兄居城爲縣吏時往佐之遂亦爲吏考歿諸弟幼偕徙城中俟諸弟成

立始聽析居則獨奉母曲事之罔懈久之家漸裕贈公質重寡言笑無賴子恆避之而乞人知贈公慈日踵門不絕出則環而丐贈公亦輒與之族戚求貸與尤厚逋券纍纍塞匱溢笥卒未嘗一追遇訟爭或傾囊爲解鄉有窘者設辭誘使至家強與之錢粟先塋側有某氏墓謀遷而貨兆域於贈公拒之則又謀它鬻乃使書券償值而不聽遷故墓至今存嘗過市見或剖羊而趨羊逸跪贈公前泣反救之屠恨羊狡堅欲割刃重贖不許遂終不食羊蓋拂其所不忍則不快如此初譚氏有家廟祀無資贈公倡爲慕祭徒步往斬荆覆簣歲以爲常既醮金權子母供家廟祀晚歲益新家廟時家西城家廟在東城日食於家而督於役相木計甃往復不遑甚且助運土石寒暑風雨弗輟家廟成而勞疾作竟歿道光八年九月十二日亥時也生以乾隆三十一年六月二十三日

亥時年六十三贈公之事母也母喪明卞急初不令拂且伺門啟入問安否必敬詢所欲親求諸市出入必以告暇則負母周歷堂序內外告以所至告以所有或爲小兒嬉戲笑聲達戶外母忘無目之苦者十有餘年又時資諸舅弟乏母益樂諸子迎養不旬日留也贈公年五十始舉子人咸以爲孝徵及疾革召其孤前令展諸債券焚於匱夫人毛氏止之不得亟呼贈公季弟至則灰沈水矣大詬曰乃不念藐諸孤乎贈公曰吾子當不患貧平時自奉儉約食不兼味曰吾何忍溷吾腹獨喜儒術見應試者恆樂爲之主華竹藝庭晨自拂漑吉日良辰必數延文士吟賞供輒不貲至是語夫人曰勿令兒子廢學十年後汝當稍安殆自信有以貽之矣始援例爲國子監生以子繼洵貴累贈光祿大夫又承遺志助振奉旨旌表樂善好施孫嗣同曰光祿公曰吾不幸六歲而

孤於吾父言行不得一二然聞鄉之人荷薪入市日暮弗售皇皇路岐神志俱失吾父輒昂其值買之慰藉使歸吾少壯時閒至城隍廟壁書勸善語叢人聚觀或大言曰是惟譚某允躬蹈之安可望於今之人哉則字吾父也距吾父歿已二十許年猶稱頌如此所造可略覩焉謹案府君歿二十二年夫人亦歿夫人諱開累贈一品夫人生乾隆五十三年十月初一日子時歿道光三十六年六月二十日寅時年六十三事親之孝匹德府君先曾祖妣故喜潔既無覩益疑饌具不潔時時發怒夫人烹漑精審曲承其歡盥沐抑搔無或弗謹易它先後不一當意也迨府君背棄家暴落撫幼迄長以養以教及府君困苦始末有不勝言者世世萬子孫毋忘邁種之所自

紹泗府君家傳

律例獨子出繼坐不應情重仍更正乾隆三十八年和坤驟柄用浙江某爲戶部員外郎世父死無子遺產餘八十萬金以半賄和坤倡同父周親一子兩祧之議曰大宗無子小宗止有獨子而同族實無可繼之人不可令大宗絕嗣俟小宗獨子生有二子過繼一子爲大宗之孫儻獨子並無所出或僅生一子則當於同族孫輩中過繼一孫以承大宗之祀是猶依託大宗爲詞且必獨子生二子始以一子後大宗無二子則已與立孫之義差近非一身兩父如後來部臣雙祧之說敢公壞禮防也迨部臣議服制泥於不貳斬之文擅增大宗雙祧小宗爲議曰兄之子爲弟雙祧則仍爲大宗持重服若弟之子爲兄雙祧則降其父之服夫降其父之服則與出繼何異是獨子出繼之律例陰廢矣又不識古宗子之尊必無後小宗理甚至不能得大宗小宗之解貿貿然以兄

弟少長當之使父子之親忽彼忽此其於禮經抑又疏舛首創於奸相之貪賄弄權加厲於部臣之不學無術由是民間爭繼爭祧訟獄日繁或一人而兩妻又各有妾則封贈無駢膺或一子而兩母又有所生則三年無適服至嘉慶十九年山東黃氏道光元年河南俞氏有三祧之案各有三妻三妾其子呈請服制應否皆比適母雖部臣亦語塞氣結無以應之先立法於必窮勢必至此也然而篤於仁愛者又因以伸其憾矣其本非獨子可出繼亦可兼祧例無明條光祿公遂疏請曰臣少孤兄弟四人女兄弟又四人家貧臣母力難兼畜故臣育於叔母彭以迄成立而叔父母無嗣季弟瘍仲兄早出後它叔父今伯兄又故請以臣兼祧叔父母特旨俞允嗣同謹案兼祧之從祖考紹泗府君先曾祖考之四子也諱學新字紹泗別字日池少傭力於人初不知書縣南產

石炭肩運不絕於道府君亦以任擔受值年既二十五忽發憤思學同人咸非笑之府君不顧讀益奮夜欲寐傾欬不自持憤炷香自創豁然振寤或隱几臂枕香刻以分寸藝至臂覺殊痛起復讀及試輒不利憤以一題爲二藝併一格擠書之學政雖大驚歎卒坐非例黜年且四十始以高等補縣學附生然精力則既憊甚以乾隆三十九年六月十七日巳時生嘉慶二十一年二月二十一日歿年四十三累贈光祿大夫奉旨旌表樂善好施彭夫人諱七累贈一品夫人夫人之撫光祿公也凡爲母之道無不備光祿公苦羸疾則日夜保抱而吮煦之寐或驚寤雖深夜必抱而越室就乳已復返伺光祿公寐熟潛起夜績且以易藥餌供衣服光祿公稍長則教之禮義使就傅慈愛訓迪三十年如一日故兼祧者濟人倫之窮發於至情不容已也夫人以乾隆四十一年三

月十七日午時生成豐六年五月二十日申時歿年八十一光祿公既兼祧遂以嗣同仲兄嗣襄爲之後

海嶠府君家傳

光緒十二年六月十四日寅時海嶠府君歿距生嘉慶二十一年七月二十六日子時年七十一以助振議敘九品頂戴以團練奏保卽選鹽運使司經歷加同知銜加保儘先選用知縣以弟封爲朝議大夫累贈光祿大夫以子封爲奉直大夫歿既八年其弟之子嗣同謹爲府君傳曰府君諱繼昇字子惺別字曙岡海嶠其號也當道光咸豐間天下騷然用兵然兵日益少盜賊日益多府廳州縣乃始各爲團練或以在籍大臣領之蹙則守紆則援使賊無往不遇敵名材輩出卒集於大功瀏陽團練則府君爲主奸外犯宄內訌連創之不得逞洪秀全犯長沙分

黨疾竄瀏陽夜抵城西北二十里之蕉溪嶺下官民洵懼不知所爲府君遣卒徧張鏡嶺上熊熊林谷光爛彗天雜以金鼓闐聒賊大震卽夜遁去府君管帶威鎮營旣稟一不入已息而取贏得田二十餘畝出以佐防守費縣之公費且盡綜其出入月豐而歲有餘治禮樂局質藏書課經學拓賓興費創會館於京師修縣志實義倉數十年用無弗給一縣大和歲大水又出已貲以振兼集羣力以飽直隸河南山西之饑而家亦未嘗或乏固才智之過人與抑仁者必有勇其篤摯之性有以發之也光祿公舅弟四人府君實伯生有奇表目深碧久視日不眩臨事速決應繁無貽然先祖考見背年十三耳家政叢簇一埤遺我日用斗匱將不支府君憤而棄學悉貨先業爲居積忘其身以圖之養親當大事欣諸弟誦讀完婚姻遣嫁諸妹食指累數百坐而仰之又以其餘易

先墓增祭田資宗族贍內外戚屬濟孤寒之無告者晚更新家廟訂族譜興清明祀廣始遷之祖宅其心以爲一不具卽無以見祖宗於地下故雖瘵老篤病數展墳隴流涕唏歎移時不忍去苦念光祿公官甘肅垂歿猶誦詩曰豈不爾思室是遠而聲喋而氣絕烏虛吾世父海嶠府君可以傳矣

忠義家傳

嗣同曰自有湘軍以來司馬九伐之威暢於荒裔蹕厲中原震響水陸劍戟西域戈橫南交東撻甌粵北稜遼海四五十年中布衣躋節鎮綰虎節以殊勳爲督撫提鎮司道國有慶拜賜恆在諸侯羣牧上生擁位號死而受諡者凡數百人至若膺大銜虛爵極武臣之倫品歸伏邱隴或潛身卒伍其數乃又不可紀錄所至通都大邑近鄉炎徼一鄙一鄙

莫或無有湘人之蹤遂周二十三行省莫或不然亦莫或不憚懾之豈
有它故風氣勁剽無生還之心出百死以質之耳故慨夫世之歆其顯
鑠以爲萬世而一遭下而妬媚詆譏不息烏知兩軍交綏礮石兩集闐
然鼓之斷吭絕脰殘創支體誰無父母誰非人子抱血肉輕脆知痛癢
之軀瞬息螻糜於叢矢交刃肝腦膏原野以爭一旦夕之勝負而奉揚
國家威靈其慘割哀號或祈速一瞑而不得乃至不容覩不忍聞乎又
不幸遇非其將委之而去并其死事之勤吝不一爲表之故湘軍其衰
矣狃於積勝之形士乃囂然喜言兵事人頗牧而家孫吳其樸拙堅苦
之概百不逮前習俗沾漑且日以趨於薄讀聖人之書而蕪其本圖以
殺人爲學是何不仁之甚者乎瀏陽縣於山谷閒耕植足以自存民頗
龐謹不樂去其鄉更數世老死不見干戈故應募從軍視它縣無十之

一而以能戰博厚費大官亦鮮有聞焉吾譚氏又衰族丁男始得踰二百尤憊憊不敢遠出然且死於四戰十有二人其它久戍不返卒莫悉其死狀尙十數人不在此列六品軍功傳本考嗣彬從軍江西歿因葬焉妣劉道光六年正月初十日亥時生江西陣亡六品軍功傳生傳立皆傳本弟一道光九年二月二十日亥時生陝西陣亡一道光十二年正月十六日亥時生浙江陣亡傳倫傳本之從兄考嗣松妣羅道光二年十二月初八日子時生咸豐十年六月二十八日江西撫州府陣亡年三十九獲歸骨者傳倫一人而已傳清傳錄皆傳倫弟一道光十八年十一月二十三日辰時生咸豐十年十月初十日江西瑞州府陣亡年二十三一道光二十年十月十五日巳時生廣西陣亡守備傳位傳本之從弟考嗣椿妣李道光十三年十二月十二日戌時生福建陣亡

六品頂戴外委傳舞傳位弟道光十七年十一月初一日午時生江西
九江府陣亡守備傳海傳舞弟道光二十年二月十四日巳時生甘肅
陣亡傳健傳海弟道光二十七年三月十一日寅時生福建陣亡傳贊
字輔臣亦傳本從弟考嗣楓妣陳道光二十二年九月初二日巳時生
江西陣亡恆達傳本從子考傳裕妣周道光二十四年十二月二十八
日子時生陝西陣亡嗣同於諸人爲無服之尊屬而齒特季無由親挹
其風及聞父子兄弟相勛於王事傳本父嗣彰從弟贊弟裕從子死
傳本父嗣彰從弟贊弟裕從子死酷者至駢殞鋒鏑暴露莫收未嘗不壯而悲之又皆文學之
裔文學妻廖氏始以節孝著望邦族語在節孝傳不五六世而虞殯渴
義萃於一門以爲其本支必代有興者何今轉單微類皆困不自振惟
傳舞有子一人餘或未娶宗祀斬焉當時無大力者爲請卹死之典弗

之及志乘闕略報功未祠淪翳草莽將誰復知之也哉抑天之偏於吾宗黜刻與古今兵禍慮無不然又况湘軍炎炎之隆隆乎

節孝家傳

文學之妻廖氏名泰年二十七文學歿歿三月始生子經世

經世名

忍死

字育用底成立初母憐其穉且貧諭令嫁涕泣矢之翁姑每哭子未嘗不強顏出慰然返室輒悲不自勝康熙四十一年正月十七日生乾隆四十七年十月歿年八十一有司彙上節孝奉旨旌表建坊入祀節孝祠湖南通志瀏陽縣志皆有傳

學健之妻易氏名早年十六學健歿無子守節十七年乾隆十八年正月十三日亥時生四十九年四月二十日戌時歿年三十二學傑之妻徐氏名春年十七學傑歿無子守節二十二年乾隆二十一年四月初

三日申時生五十八年七月二十六日酉時歿年三十八繼如之妻鄧氏名恩英年二十繼如歿無子守節十二年乾隆五十四年十月十三日午時生嘉慶二十五年五月十一日寅時歿年三十二學健學傑一乳所產繼如其兄子也並遠天殄世又並有賢婦如此親支終斬續絕無從翳翳百年光蔭幽壤旌淑之典莫可追逮宗族遂無有復稱者幸舊牒未湮匪無可述率斯以徵吾族厲之死之誓而蘊不見甄抑亦繁有或文網方密格於年例或單系不振墜於緜褫未敢率爾登錄等語不信此故箸其紀年獨弱而權毒畸至者夫其違心席石抱信淵泉駢析迦陵之翔踵告若敖之餒茲冤易遣豈曰其天至於魯人之耐冥聚終期簡策爛然風霜蝕之所不害此又其自爲之天弗能耳矣

繼志之妻黃氏年二十四繼志歿繼志有文無遇語在濬軒府君傳黃

氏守節二十年嘉慶四年十一月二十六日未時生道光二十二年十
一月初三日巳時歿年四十四行應旌例而兩子嗣笏嗣鶴早死無後
湮紀彌姦孰爲章矣人能宏道其如命何繼志夫婦斯乃酷焉

繼芊之妻卜氏年二十六繼芊歿守節三十年撫孤嗣柏成立乾隆五

十二年六月二十六日辰時生道光二十一年歿續節云歿年又未詳而

受年五十五矣是年五十五有司彙上節孝奉旨旌表建坊入祀節孝祠瀏

陽縣志有傳

傳德之妻楊氏年二十一傳德歿守節十八年無子以夫兄傳綺子復

栢後道光二十一年正月初二日申時生光緒五年閏三月二十三日

辰時歿年三十九有司彙上節孝奉旨旌表建坊入祀節孝祠

文訓之妻何氏名祉年二十六文訓歿守節三十八年撫孤經正成立

康熙三十五年十一月二十七日亥時生乾隆二十三年歿年六十三
行輩獨先孫子其麗何舊譜雖褒其節而旌表無聞焉豈非采風之責
與

學藻之妻曾氏年二十九學藻歿守節四十七年撫孤繼丙成立嘉慶
十一年正月初十日戌時生光緒六年六月十五時戌時歿年七十五
亦符旌例而未被旌者

之緯之女適劉士銘士銘早歿守節奉旨旌表建坊入祀節孝祠

瀏陽譚氏譜敘例

譜牒古爲專門之學今漸滅久矣盡矣周禮小史掌邦國之志定世系
辨昭穆媒氏凡男女自成名以上皆書年月日名焉凡娶判妻入子者
皆書之是卽譜也小司徒鄉師鄉大夫族師之屬咸有校稽夫家之職

嚮使無譜復何由悉其登耗哉隋唐而上官人以族別流品立中正官
 有簿狀家有譜系簿狀據以選舉譜系資以婚姻兼有圖譜局置郎令
 史掌之仍命博通古今之儒知撰譜事凡百官族姓之有家狀者上之
 官爲考訂詳實藏於祕閣副在左戶若私書有濫則糾之以官籍官籍
 不及則稽之以私書其矜尙也如此司馬子長著史記全采世本爲說
 是以唐以前史詳於氏族或衍公侯而成世表或舍古籍而書族望史
 且不能不賴乎譜斯譜牒之學史之根淵何啻支流餘裔而已五季雲
 擾斯義用淪千餘年來官書尤祕閣日孳乳至不復可容目錄家並肩
 林立收四部書無算猶稱多所未覩獨譜牒奄然闕焉鄭流仲作通志
時尙嘗錄譜牒
 庫百七十部 總目然率存 空日一故 門四 惟飛文之士撰錄專集劣具家傳一二如
 斯已爾夫不重可唏乎嘗謂譜學莫精於六朝六朝莫選於劉孝標其

注世說新語引吳氏譜羊氏譜謝氏譜陳氏譜王氏譜孔氏譜許氏譜
桓氏譜馮氏譜殷氏譜陸氏譜顧氏譜庾氏譜諸葛氏譜劉氏譜楊氏
譜傅氏譜虞氏譜衛氏譜魏氏譜溫氏譜曹氏譜李氏譜袁氏譜索氏
譜戴氏譜賈氏譜郝氏譜周氏譜郝氏譜韓氏譜張氏譜荀氏譜祖氏
譜阮氏譜司馬氏譜摯氏世本袁氏世紀至三十餘家北朝藻耀宜若
不逮然酈善長水經注鮑邱水篇引陽氏譜敍淮水篇引嵇氏譜它若
史記漢書後漢書三國志文選諸注及聖賢羣輔錄並繁稱引既列官
書虛無不研覃於茲又其文辭根據典要組斐可誦非若今之私記子
姓不能通示於人人亦無欲觀之矣

譜牒又宗法所賴以不終墜也王者封建井田學校財賦禮樂政刑事
神理人萃天下之渙綱天下之目一以宗法爲率宗法又一寄於譜牒

禮記別子爲祖繼別爲宗繼禰者爲小宗夫繼別之宗百世不遷者也不容有二繼禰之宗五世卽遷者也故繼禰祖曾高而有四此班孟堅之舊說而紀昀齋所力爲發明者也然四者舉一人焉以爲例也人皆有禰祖曾高亦皆有爲禰祖曾高之日則小宗不止四也四者舉一人焉以爲例也別子有三一公子之別子大夫不敢祖諸侯別爲族而身爲別子一始遷之別子別於本宗而爲別子一始爲大夫之別子別爲廟而爲別子顧亭林遵而是之而毛西河獨以爲非嘗始爲大夫之別子爲宋儒臆造於是無封建卽不得有宗法所當棄置勿復道而宗法斬矣至許酉生汪鈍翁紀昀齋又一反其說必庶姓起爲大夫始得謂之別子甚至詆前二別子爲注疏之誤雖未必合古而實可行於今故曰王者封建諸政必依乎宗法非宗法依封建封建可廢宗法不可廢

宗法者王政之精微而博大又易易者也非繁重迂緩之類也舉之則立行行之則立效鄧潛谷封建廢宗法格之論又未盡然也變而通之無封建之世宗法曷嘗不可治天下哉程易疇所圖宗法近是矣而偏主兄道立論僅得旁殺之情於上殺下殺猶疏也至若解有大宗而無小宗有小宗而無大宗有無宗亦莫之宗以爲三公子在後世亦猶別子爲祖也與萬充宗諸侯世子之兄弟不分適庶皆稱別子同爲深得禮意今雖無公子之別子固有始遷始爲大夫之別子嗣同遷瀏陽之祖舅弟四人初不同居宜各爲族其族子世賢後遷又自爲一族使泥於兄道之說不皆爲別子必將舍其祖而祖他人之祖情所不協尤事所必不行今家廟共祀遷長沙之祖爲遷瀏陽之祖所自出是猶始祖廟也五別子之裔法當各立祖廟乃臻明備嗣同撰世系弟詳本支亦

此意矣夫大宗猶易明也小宗難明非明之難明之者難之也諸家聚訟得失不遑備論統之人皆有禰祖曾高亦皆有爲禰祖曾高之日則小宗不止四非大宗卽人人皆小宗假別子有三子伯爲一族所宗爲大宗仲叔各爲其子孫曾元所宗兼宗大宗爲小宗小宗有三子伯爲繼禰之小宗仲叔又各爲其子孫曾元所宗兼宗繼禰之小宗自爲小宗繼禰之小宗有三子伯爲繼祖之小宗仲叔又各爲其子孫曾元所宗兼宗繼祖之小宗自爲小宗繼祖之小宗有三子伯爲繼曾祖之小宗仲叔又各爲其子孫曾元所宗兼宗繼曾祖之小宗自爲小宗繼曾祖之小宗有三子伯爲繼高祖之小宗仲叔又各爲其子孫曾元所宗兼宗繼高祖之小宗自爲小宗至繼高祖之小宗有子則祧其父之高祖而宗其父之曾祖亦爲繼高祖之小宗以下皆仿此自爲小宗者有

三子伯亦爲繼禰之小宗兼宗繼高祖之小宗仲叔亦自爲小宗兼宗其繼禰之小宗以下皆仿此凡五世則禰其始爲小宗者而宗其弟二世凡六世並禰其弟二世而宗其弟三世由是遞嬗以至無窮大宗則無不宗之者小宗已禰之祖已毀之廟其所衍之支裔於我爲無服之疏屬我不宗之而亦不復我宗所謂祖遷於上宗易於下庶姓別於上戚單於下非大宗卽人人皆小宗矣古今言宗法者明邱文莊差平易近情顧黃公圖諸白茅堂集今少采其說爲譜惟所列世數不數別子而以繼別爲弟一世以言宗別子者始此則可耳於世數無取嗟乎天下禍亂相尋不知所屆由親親之誼薄散無友紀而宗法不行於今也宗法不行宗法之不明也使無譜牒又烏從明而行之是足爲宗法之本焉

說文鄆國也齊桓公之所滅从邑覃聲徐鉉氏曰今作譚非是說文注
義有譚長疑後人傳寫之誤段玉裁氏以爲鄆譚古今字史記齊世家
作鄆白虎通德論名號宗族兩引詩作覃儀禮經傳通解引爾雅郭注
亦作覃皆通段字徐鍇氏繫傳杜預曰東海褰冥是也何不知子爵范寧
氏穀梁傳集解譚子國滅不名蓋無罪也杜預氏左傳注譚國在濟南
平陵縣西南春秋釋例上地名譚濟南平陵縣西南譚城玉篇鄆在濟
南平陵縣南通作譚酈道元氏水經注濟水篇武原水出譚城南平澤
中又曰漢文帝十六年置爲王國景帝二年爲郡王莽更名樂安漢書
地理志同郡國志東平陵有譚城故譚國李吉甫氏元和郡縣志齊州
全節縣本春秋譚國之地齊滅之漢以爲東平陵縣屬濟南郡杜佑氏
通典齊州全節縣春秋時譚國城在縣西南鄭樵氏通志氏族略今齊

州歷城有古譚城子孫以國爲氏樂史氏太平寰宇記歷城縣譚城在縣東南一十五里歐陽忞氏輿地廣記漢末平陵縣本譚國二漢爲濟南郡治其後郡徙歷城而平陵又廢唐武德二年置譚州復平陵縣貞觀六年州廢屬齊州十七年齊王祐起兵平陵人李君求據縣不從因改名全節羅泌氏路史今齊之歷城武德中爲譚州東南十里有故城羅萃氏注引杜預氏作濟南東平陸西南有古譚城案陸陵之譌文亦小異竇萃氏曰今齊州東平陵鎮也齊乘東平陵城在濟南東七十五里春秋鄆國齊桓滅之古城在西南龍山鎮相對漢爲東平陵縣秦嘉謨氏世本輯補譚氏國在濟南范祖禹氏讀史方輿紀要東平陵城府東七十五里春秋時譚國地也一統志故譚城在濟南府歷城縣東七十里東平陵故城在縣東七十五里案今山東濟南府治東南七十里

有故譚城東平陵故城在今濟南府治東七十五里後世以之封建則有唐譚國公邱和

詩有譚公毛序有譚大夫急就篇有譚平定漢書古今人表有譚大夫

說苑桓公曰昔者吾圍譚三年得而不自與者仁也存據此紀譚於齊魯

譚子齊有新序吳有士曰譚夫吾風俗通義孟嘗君逐於齊見反譚子迎

於澶邵思氏姓解漢有河南尹譚閔廣韻同後漢書逸民傳有太原譚

賢南齊書及南史孝義傳皆有零陵譚宏寶五代史閩世家有正一先

生譚紫霄道家又稱箸譚子化書之譚峭爲紫霄真人不知是一是二

沈汾氏續仙傳稱峭爲唐國子司業譚洙之子或傳其詩曰纔作長江

扇作天鞞鞦拋在海東邊蓬萊信道無多路祇在譚生拄杖前五代史

盧光稠傳又有南康譚全播宋史有朝城譚延美譚繼倫長沙譚世勛

文苑傳有譚用之至若譚稹又其敗類者矣元史有懷來譚資榮譚激
譚克修孝友傳有茶陵譚景星明史自吾祖崇安侯新寧伯外有丹徒
譚廣何孟春傳有譚繼姜綰傳有譚肅吳嶽傳有始興譚太初袁洪愈
傳有箸明大政纂要之四川巡撫茶陵譚希思安希范傳有大庾譚一
召文苑傳有竟陵譚元春忠義傳有譚絲譚恩平壩譚先哲明史又同
時有兩譚綸一爲吾祖嗣新寧伯鎮湖廣原名宗綸其後遂遷長沙一
爲宜黃人字子理官兵部尙書諡襄敏與戚繼光齊名稱譚戚者也又
南史王儉傳政府見一選人姓譚戲曰齊侯滅譚那得有卿對曰譚子
奔莒所以有僕辯對俊敏惜不得其名其它見於襍書者隋大業當陽
鐵鑊款識有伯達譚俗生唐麻姑仙壇記有譚仙巖裴鏡民碑有譚公
大將軍雲溪友議有吳門秀士譚銖題真孃墓詩武邱山下冢纍纍松

柏蕭條盡可悲何事世人偏重色真孃墓上獨題詩宋有長真子寧海
譚處端皇祐進士始興譚侁紹興進士高要譚惟寅七歲應童子科茶
陵譚昭寶楓窗小牘有童子科之泰州譚孺卿長沙府志有譚順妃爲
明洪熙帝妃湘潭人父福官御史南疆繹史有殉桂王難昆陽譚三謨
皇朝通志有同知譚絲主事譚文化皆道諡節愍國朝仕宦至顯達者
福建陸路提督諡恭愍三臺譚行義吏部侍郎雲南巡撫南豐譚尙忠
尙書譚廷襄新疆提督湘潭譚拔萃兼護雲貴總督雲南巡撫鎮遠譚
鈞培今太子少保四川總督茶陵譚鍾麟太子少保江南提督湘潭譚
碧理仕宦不顯而國史有傳者嘉興譚吉聰成都譚公義譚氏古今聞
人略備於此亦云僅矣而猶非吾譜所有舊譜乃遠溯洪荒稱譚氏系
出顛頊徧稽故籍不悉所本又不詳何姓顧棟高氏春秋大事表以譚

爲子姓尤不悉所本秦嘉謨氏曰左傳郟子來朝稱少昊爲吾祖杜預以爲己姓史記潛夫論以爲嬴姓方以爲疑及校史記齊世家有云二年伐滅郟郟子奔莒始悟二書所稱之郟卽左傳之譚也案鄆郟聲同形近故易譌段玉裁氏亦曰齊世家譌作郟可證司馬所據正作鄆是秦說信矣然郟子來朝之郟自己姓特司馬遷氏王符氏所稱之郟爲卽譚耳以此塙知譚是嬴姓矣通志列於周不得姓之國殆未考路史郟譚皆嬴國是又誤史記潛夫論之郟爲左傳己姓之譚而並以爲嬴姓又云覃談佻三姓皆譚所衍通志亦云覃氏本譚或去言爲覃又云巴南六姓有譚氏盤瓠之後也此是別譚陳士元氏姓觸覃韻有譚引千家姓云宏農族侵韻又有譚音尋引千家姓云廣平族案譚去言猶曰譚衍况一字遂兩讀而分二族乎覃韻又別出鄆引姓考云齊大夫

食采鄆城因氏案譚行而鄆廢非有二字已不識字乃別紀一姓且杜
撰食采鄆城之說以質之廖川賢氏尙友錄至稱鄆國在平陰縣爲秦
所滅誕陋無稽至此蔑加矣

譜學絕宗法亡於是有大宗無後或有後而不詳於譜一族遂莫知所
宗擬以某宗推補之又嫌乖於事實仍復空其系翼後之人能繼繼之
不能則以次近大宗之小宗敬之如大宗今特引其議端而已推此凡
詳略存佚一仍舊譜無所於革愈近則愈詳勢固然也惟一事此不言
而彼言則援彼以證此或彼此兩注它篇又注者更端也別見它書塙
鑿足徵亦復引以校補時代輿地官制史事尤討索不避複累別同異
明是非決嫌疑定猶豫在本篇文近乃不更疏其前也其有牴牾踳駁
疑莫能明則從蓋闕開下子注少効匡正而仍附原文於下辟專也世

系丙篇崇安侯不稱別子而圖稱別子窮於稱也弟嗣兄爵而列爲一世者顧亭林萬充宗同廟異室之指趣也世系不諱公言也家傳諱自我言之也生歿年月日時葬所及嫁娶之族必詳書之無書乃已庶幾媒氏舊例也其它隨事見義無取發凡

今世譜式橫而左行者云始歐陽氏名歐譜縱而下行者云始蘇氏名蘇譜雖紀文達不能不援用爲譜其實皆圖表也非世系也今撰世系悉準宗法首書別子爲弟一世系以大宗爲弟二世三世可至於萬世別子之餘子爲弟二世小宗小宗非一以數綱之稱弟二世小宗幾小宗之餘子及二世大宗之餘子又別爲弟三世小宗小宗非一以數綱之稱弟三世小宗幾亦可至於萬世至於序次前後同父則以年不以

宗

指兄弟天絕而後者

非同父則以宗不以年無子則無宗附書於父系

一人而數妻數妾其子女則分隸於所生夫存妻妾醮書出夫歿則書去凡易一宗則跳行更端條其人之出於弟幾世大宗或弟幾世小宗幾小宗所出遠則兼溯其始爲小宗者小宗不言繼禰祖曾高而言弟幾世取明世數齊長幼不言遷祧義自見也合之則橫析之則縱上統乎一下御乎紛故曰非大宗卽人人皆小宗矣世系或易紊又質之以圖古書之繁博者類爲圖以杜譌奪使得據以勘校非爲人省煩而退其尋汲之勤也爾雅列女傳尙矣使山海經無圖何以言首之某向使初封平原無圖孫德達亦無以決鳴犢之詐在史家謂之表表亦圖也史漢缺誤時賴表以自糾所以獨高於羣史故曰圖杜譌奪也六朝以圖譜名局則圖尤譜所必重世系若干篇篇皆有圖

譜牒之學有大蔽二一曰攀附遙遙華胄流爲譏謔郭崇韜狄青所由

判賢否也一曰夸大雖孝子孝孫之心稱美不稱惡其體比於鼎銘然
既不爲王充之自貶所天亦不當如陽休之賄佳父傳賢而勿伐庶幾
既美其所稱又美其所爲也乃或非所出而覩屬之非所有而橫誣之
失各不同其爲不仁其先則同舊譜頗崇嚴謹不驚繁縟上溯僅及宋
靖康而止始祖思永府君孝成避金亂自宋之江南西路洪州新建縣
樵舍本籍遷宋之福建路汀州長汀縣再傳銘盤府君承新遷清流縣
十四傳以綏府君功安遷明之湖廣長沙府長沙縣又三傳祥瑞府君
逢琪舅弟及族子世賢避明季之亂乃遷今瀏陽縣譜始成於以綏府
君順治十三年修於濬軒府君世昌佐者世祿世賢乾隆十四年再修
於熙亭府君文明佐者文開文章文徵文阜文卓文庠文翠經邦經濟
經權經詩經書經恆經庸經方經世經正經鼎經渭經鐸經體學綱學

誠學姬學奎學榮學博光緒六年三修於海嶠府君繼昇佐者繼菱繼
壙繼棠繼權嗣棨嗣棻嗣楚嗣曦嗣焜嗣焜嗣德傳信傳甲傳綺及茲
又十四年矣有爲之先莫或廢衍非情也且自東方用兵四字騷然不
靖強鄰環窺權厯內蟄財涸軍岵京師震動諸侯卿大夫士庶人咸躬
躬無以自必念昔先人鬱德丁患望變轉徙用播斯土早世志乘亦少
散失焉仁澤貫累代迄育於藐躬實在凡近名竊副介酈亭侍節麥鐵
陪麾被服金玉驅獵祕笈幸獲繹此遺文不效服膺宛同過佚夫諸父
諸兄之相爲聚處敬宗收族之相與周旋任卹睦婣歡以相卽樂酒今
夕君子維宴此自成溢持滿之事我生不辰焉可源源如此哉分崩離
析之誰止還定安集之無時纂錄弗就劉子元所以亟憤於修史至泣
盡而繼之以血况譜牒前無所踵難十於史緒千載之絕成一家之言

不可不夙講也士食舊德所由兢兢寶守罔敢墜歿不自知其身陋稍
易舊規主明宗法文或損益其事則故近事謹闕不錄以符三十年增
修之議惟三長之資天人交囿於考訂禮經句稽故實比次體例粗盡
心焉嗟乎企壁經之孔甲未理惑於牟融弱草棲塵枯泉飛液儻後之
羣從諸子不我差池完其草創策其不逮益霏而大之兼綜衆美不蹈
二蔽嗣同今日愚僭冀有蔽乎某須矣未敢幸也

起光緒二十年仲冬訖歲除成瀏陽譚氏譜四卷凡爲世系十圖十家
傳十三敍例目錄終焉

先妣徐夫人逸事狀

光緒紀元二年春京師癘疫熯起暴死喉風者衡宇相望城門出喪或
哽噎不時通遭家凶害篤賢顛虐所尤殘割腐心歎邑不忍言者則先

妣徐夫人卷德邁蹇遂以斯疾委棄不肖等弗子伯兄仲姊亦先後數
 日歿悠悠昊天曰父母且何幸於天我罪伊何然則古言瘡不病君子
 虛也嗣同伊蒿伊蔚之質生既十二年染疫獨厚曾不能一起侍先夫
 人之困危創楚親承末命且使向少自力頗調劑湯液或不遽罹摧裂
 若此摧髮之辜故應萬有餘死然短死三日仍更蘇戕其根而弗槁此
 棘荆之所以叢惡大人以是字嗣同復生矣先夫人賢行之大即又墜
 於嗣同之昏頑不識雖其較略已具歐陽瓣齋先生所為墓志銘其略

治甲戌外郎中居滬計陽會至京師時往父執事同其縣君年七月中敬前以進士官
 家廷人教其子秩子秩有法嗣以因是心得教之竊夫其人古賢女誠之風未幾稱內君
 本師部往部中染疾遂卒坐於榻故所人謝會館內是夫氏人之得女先填之入
 元寶子於繼嗣之明後年八月間君不起旨譚補授甘肅自登秦階成道加其二年九
 人元寶子於繼嗣之明後年八月間君不起旨譚補授甘肅自登秦階成道加其二年九

氏假回 諱五 綠德 陽將 人之 父任 認謀 在卜 國子 孫夫 生人 從屬 九志 於 職中 銜 鶴 為 贈志 中其 志要 大者 夫夫 母人

貽熊 附地 賈封 牛恭 中人 書夫 科人 中年 傳十 銜九 後適 太譚 人君 一以 日夫 設宜 次累 限封 妻恭 國人 子贈 夫 生人 候子 遞三 通長 判編

為 次叔 嗣祖 浪學 適新 翰後 林三 院尉 是周 吉女 七二 潘長 陽嗣 唐懷 景字 對候 先選 夫府 人經 四歷 日同 設縣 孫宋 一德 傳康 發在 嗣室

初陪 一出 日大 卯人 時生 春於 秋道 四九 十九 有年 八十 以一 光月 緒二 四十 年五 五日 寅 二時 十辛 九於 日光 安緒 曆二 本年 縣二 南月

十鄉 餘十 年五 隨都 於石 京山 師下 者之 十原 餘長 年山 佐坤 夫向 治禮 家也 條鳴 理呼 舉大 具人 一之 且錦 遺贈 厲君 慮也 疾食 以賢 死者

得且 守死 既其 志克 且家 諱子 諱自 曰時 天所 人種 之禮 行君 殆銀 女細 中必 賢親 耶隱 何然 女有 生內 子顯 後憂 相誰 棄欲 捐勿 耶悲 豈也

十終 三德 年獲 亦報 殺而 庶亦 出存 子不 嗣然 準耶 殉同 嗣同 國案 子先 監人 生人 候旋 選督 主贈 事一 嗣品 換夫 婦人 女嗣 嗣妻 蒲後

坤嗣 光嗣 錄嘉 寺通 醫政 正運 衡州 嗣利 誦滿 出輝 傳樂 憚因 竊祖 嗣係 嗣係 出登 女嗣 孫貽 傳長 喻子 傳因 運瑞 嗣不 棄忠 出傳 抑聞

見所及猶尚不止於此先夫人性惠而肅訓不肖等諄諄然自一步一趨至植身接物無不委曲詳盡又喜道往時貧苦事使知衣食之不易居平正稔危坐略不傾倚或終日不言笑不肖等過失折筭操筭不

少假貸故嗣同誦書竊疑師說以爲父慈而母嚴也御下整齊有法度雖當時偶煩苦積嚴憚之致實陰納之於無過之地以全其所事一旦失庇蔭未嘗不或流涕思之光祿公起家寒峻先夫人佐以勤慎作苦雞鳴興爨汜埽澣滌級績至夜分不得息恆而擁一兒背負一襪提罌自行汲筋力強固十餘年不以厭劬迨隨光祿公官京朝祿入日豐本無俟先夫人之操勞而先夫人不欲忘棄舊所能力之可及則勉沒如故食僅具蔬筍亦不得踰三四肴每食以布自衛云恐浣衽衣君儉陋補綻重複有一絲蘊衣縷縷直裂依稀出蘊自嗣同知事卽見之卒未一易家塾去內室一垣塾師雲南楊先生聞紡車軋軋夜徹於外嗣同晨入塾因問汝家婢媪乃爾劬耶謹以母對則大驚歎且曰汝父官郎曹十餘年位四品汝母猶不自暇逸汝曹嬉遊惰學獨無不安於心乎

是以嗣同兄弟所遇卽益華腆終不敢弛於惰淫非辟賴先夫人之身
教夙焉方嗣同七歲時先夫人挈伯兄南歸就婚置嗣同京師戒令毋
思念嗣同堅守是言拜送車前目淚盈眶強抑不令出人間終不言然
實內念致疾日羸瘠踰年先夫人返垂察情狀又堅不自承先夫人顧
左右笑曰此子倔強能自立吾死無慮矣嗣同初不辨語之重輕烏知
其後之果然耶哀哉名德不昌所生以忝及今遂儼然三十矣每思恭
述懿範輒愧愴不自持兩兄兩姊皆不幸早世先夫人逸事將無有見
知者遂茹痛狀之三子嗣同謹狀

三十自紀

古無集部書七略雖有詩賦而班氏所敘仍判賦家歌詩爲二稱某賦
若干篇某歌詩若干篇而已列傳中亦弟稱所箸詩賦箴銘頌贊若干

篇初不言集若夫漢武帝命所忠求相如遺書魏文帝詔天下上孔融文章漸昭風軌猶無集名自荀况諸集編題後人張融玉海標目己意乃始波積霧靡不可勝遏宋明以還降而鄙濫粗了文義莫不各有專集精識雅才所當借鑒其失何復更效之也嗣同少頗爲桐城所震刻意規之數年久自以爲似矣出示人亦以爲似誦書偶多廣識當世淹通轉壹之士稍稍自慙卽又無以自達或授以魏晉間文乃大喜時時籀繹益篤耆之由是上溯秦漢下循六朝始悟心好沈博絕麗之文字雲所以獨遼遼焉舊所爲遺棄殆盡續有論箸及棄不盡者部居無所仍命爲集亦以識不學之陋後便不復稱集昔侯方域少喜駢文壯而悔之以名其堂嗣同亦旣壯所悔乃在此不在彼竊意侯氏之駢文特僞體非然正爾不容悔也所謂駢文非四六排偶之謂體例氣息之謂

也則存乎深觀者既悔其所爲又悔其成集子雲抑有言雕蟲篆刻壯夫不爲處中外虎爭文無所用之日丁盛衰互紐臂力方剛之年行並其所悔者悔矣由是自名壯飛

五歲受書卽審四聲能屬對十五學詩二十學文今凡有寥天一閣文二卷莽蒼蒼齋詩二卷遠遺堂集外文初編一卷續編一卷石菊影廬筆識二卷仲叔四書義一卷諡考前編二卷瀏陽譚氏譜四卷都十五卷又緯學翼經也史例書法也諡考正編今編名典也張子正蒙參兩篇補注天治也王志私淑船山也瀏陽三先生弟子箸錄歐陽涂劉也思緯壹壹臺短書甄俗也劍經衍葛武事也楚天涼雨軒懷人錄思舊也寸碧岑樓玩物小記耆古也未成無卷數惟史例有敘

同治四年春二月己卯嗣同生於京師宣武城南孀眠胡同邸第旋徙

庫堆胡同今爲瀏陽會館者也光緒元年春隨任北通州猶時往京師
三年冬歸湖南取道天津浮海逕煙臺至上海易舟溯江逕江蘇安徽
九江至湖北又易舟仍溯江泛洞庭溯湘至長沙陸抵瀏陽四年春赴
甘肅舟至長沙易舟流湘泛洞庭流江逕湖北溯漢至襄陽陸逕洛陽
入函谷潼關至陝西秋至蘭州回抵秦州五年夏歸湖南取道徽縣流
嘉陵江至略陽陸至漢中流漢至襄陽易舟仍流漢逕湖北溯江泛洞
庭秋至長沙陸抵瀏陽七年秋遊長沙尋歸八年春赴甘肅舟至長沙
易舟流湘泛洞庭流江逕湖北溯漢至襄陽又易舟仍溯漢溯丹至荆
紫關陸逕陝西夏抵秦州從行縣伏羌秋赴蘭州冬返九年春赴蘭州
十一年春歸湖南逕陝西至龍駒寨流丹逕浙川流漢至襄陽易舟仍
流漢至湖北又易舟溯江泛洞庭溯瀆至益陽又易舟流瀆溯湘至長

沙夏陸抵瀏陽秋赴長沙尋歸冬赴甘肅陸至長沙流湘泛洞庭流江
逕湖北溯漢至襄陽易舟仍溯漢溯丹至荆紫關陸逕陝西十二年春
抵蘭州十四年夏歸湖南逕陝西至龍駒寨流丹逕浙川流漢至老河
口易舟仍流漢至沙洋又易舟至荊州又易舟溯江出太平口泛洞庭
流澧溯湘至長沙陸抵瀏陽秋赴長沙尋歸冬赴甘肅同十一年十五
年春抵蘭州尋上京師逕陝西出潼關渡河逕山西夏抵京師尋歸湖
南同三年秋抵瀏陽十六年春赴湖北舟至長沙易舟流湘泛洞庭流
江抵湖北夏歸湖南秋返赴安徽流江逕九江抵安徽尋返十七年秋
歸湖南抵長沙遊衡嶽冬返十九年春赴蕪湖流江逕九江安徽抵蕪
湖尋返夏上京師流江逕九江安徽江蘇至上海易舟浮海逕煙臺至
天津又易舟湖路至北通州陸抵京師秋返湖北取道天津浮海逕煙

臺至上海易舟溯江逕江蘇至安徽易舟仍溯江逕九江抵湖北二十
年秋歸湖南抵長沙陸赴湘鄉尋流漣流湘返長沙陸抵瀏陽冬返湖
北爲此僕僕迫於試事居多十年中至六赴南北省試惟一以兄憂不
與試然行既萬有餘里矣合數都八萬餘里引而長之堪繞地球一周
經大山若朱圉鳥鼠崆峒六盤太華終南霍山匡廬無算小水若涇渭
漆沮澧瀾洮潼灃藍伊洛澗瀍恆衛汾沁潯沱無定沅澧蒸淥無算形
勢勝蹟益無算制情偷惰未付簡畢退緬遊樂難忘於懷風景不殊山
河頓異城郭猶是人民復非續此以往仍有前之升峻遠覽以寫憂浮
深縱涉以騁志哀鳴簫於凌霞翼疊鼓於華輶者乎不敢知也聊復登
錄識一時欣遇云補遊記焉爾

東海婁冥厥系孔多姓羸氏譚作瀏於家乃名嗣同錫由俶齏死而復

